

DISSERTATIO JVRIDICA
de
ASSECVRATIONE

Quam
DIVINO FAVENTE NUMINE
SVB PRÆSIDIO

VIRI

Magnifici Consultissimi

D. D. JACOBI BRANDMYLLERI,
Jur. Profess. celeberrimi, ejusdem Facultatis
p. t. Decani dignissimi, Dn. Patroni, Præceptoris
ac Fautoris omni honoris ac obsequii
cultu prosequendi,

Eruditorum examini subjicit

JOHANNES THO WESTEN
Hamburgensis,

In publico JConsultorum Auditorio
Horis consuetis

Die *Octobris, Anno M DC LXXI.*



BASILEÆ,
LITERIS DECKERIANIS.



THE UNIVERSITY OF CHICAGO

ALFRED H. HAYES

1871-1872

1873-1874

1875-1876

1877-1878

1879-1880

1881-1882

1883-1884

1885-1886

1887-1888

1889-1890

1891-1892

1893-1894

1895-1896

1897-1898

1899-1900



CVM BONO DEO.

THESIS I.



Quemadmodum in Jure Justiniano, è cujus Majestate pendet, quicquid Themidos consecranci bene agunt, contractus alii sunt Nominati, Innominati alii, ita Mercatores & agnoscunt contractus nominatos, & naturam contractuum innominatorum novis accessionibus illustrant: quod præsertim fit manifestum è Permutatione, Cambio, Assecuratione. Permutationem suis explorare momentis alienæ est operæ. De Cambio sint solliciti, qui malunt cambium sine epistola, quàm epistolam sine cambio. Assecurationem cum dicimus, ut eam suis requisitis sequentia includant, non cum Baldo *d. constitut. num. 8.* mercatorem se jungimus eum, cui tantum est una mercantia: hac sejunctione Baldus falso illabatur, dum ei non est fœnerator, qui uno actu fœnus exercet. Institor est, qui non ad certum genus negotiationis, aut ad certum locum, sed universaliter negotiationi quæstuariæ præponitur, Wesenbec. in *parat. ad tit. d. Inst. act. num. 1.* certum tamen genus negotiationis parit actionem institoriam utilem, *l. 12. d. tit. d. Inst. act.* Quod una mercantia velit ex Assecuratione descendere actionem utilem: mercantia universalis velit descendere actionem directam, hoc asserere cum non sit alius ante nos authoris, illius auctoritatis in nobis non sit initium.

II. Dissertationis igitur nostræ argumentum suggerat ASSECVRATIO, circa quam considerantur & jus legitimum & juris legitimi Effecta.

III. Jus legitimum ante indagandum, quàm definiti queat, ne dubia juris illegitimi subdatur definitio.

IV. De jure legitimo hujus contractus apud Cardinalem de Lugo, *d. l. & l. disp. 31. sect. 7. num. 93.* solus dubitavit Conradus *d. Contractib. q. 71.* qui solum tunc licere dixit, quando ille idem, qui aliàs operam suam debebat adhibere ad conservationem rei alicujus, rursus pro interesse moderato, periculum illius in se suscipit, ut si nauta in se suscipiat periculum mercium, quas in navi portat. Tunc enim assicuratio deservit, ut majori diligentia sua muneris satisfaciatur. Secus verò, quando qui periculum suscipit, nullam adhibiturus est operam, aut diligentiam ad rei conservationem: quoniam hæc assicuratio non est reip. utilis, nec deservit, nisi ut hi assicuratores otiosi in suis domibus locupletentur. Verum ibidem respondetur, alios omnes merito hanc sententiam rejicere: quia contractus hic cedit in bonum publicum, ut mercatores audeant merces suas ex uno in alium locum transportare cum majori securitate: & aliunde possunt in hoc contractu servari omnes justitiæ conditiones, sicut in aliis. Addimus & hoc non subesse metum, ne assicuratio Ulyssiculcitram sternat, lineumque navis in subfelliis concavæ, ut molliter recubet: aut assicuratio esset osecitania molliter recubantis.

V. De jure legitimo hujus contractus vel ideò dubitari potest, quòd omne periculum sit vitandum. Diogenetes Erythæus ait, quodam tempore Venerem cum Cupidine ad flumen Euphratem venisse, & eodem loco Typhoni giganta apparuisse: Venerem autem cum filio in flumen se projecisse, & ita figuram piscium formam mutasse. Quòd in ipso periculo periculum futurum sit vitandum. Syri, qui erant proximi, ob hoc Veneris cum filio factum desistere esitare pisces, veriti, ne Deorum præsidio impugnant, aut Deos ipsos caperent. Quòd vitandum sit periculum majus: alioquin, qui obdormivit *l. 27. §. 9. ad l. Aquil.* potuisset dicere se rem humanam & naturalem passum. Resp. 1. Omne periculum esse vitandum, id ipsum indiget at sarcasmus Attilii Consulis ad Achæos, ipsos debere esse similes testudini, quæ, cum suâ contegitur testâ, ab omni vi tuta est: quâlibet sui parte exsertâ injuriæ obnoxia sit. Resp. 2. quòd in ipso periculo periculum futurum sit vitandum, vult Celsus in *d. tit. l. 49. in §. circa eum, qui incendii*

incendii arcendi gratiâ vicinas ædes intercidit. Vult, quicumque
asssecurationem in se recipit. Resp. 3. vitari non possit periculum,
periculi non vitati est laus. Laudatur pater apud Quintilianum
declam. 259. præ quo non servus ullus tam fidelis, non libertus tam beneficio
obligatus fuit, ut hoc subire periculum possit. Unus amicus acceptâ humeris suis
puellâ per tot difficultates, per tot pericula nihil pro se ipsa sollicitus tulit. Peri-
culi non vitati laus est in Oratore, de quo libr. 9. epist. 26. Plinius,
Debet Orator erigi, attolli, interdum etiam effervesce, effertur, ac sæpe accedere
ad præcepta: nam plerumque altius & excelsis adjacens prærupta. Tutius per
plana, sed humiliter & depressius iter. Frequentior currentibus quàm reptan-
tibus lapsus: sed his non labentibus nulla laus, illis nonnulla laus, etiamsi laban-
tur. Ut quasdam artes, ita eloquentiam nihil magis quàm incipientia commen-
dant. Resp. 4. Vitari posse periculum majus, si abscondantur omnia
ea, quibus ad periculum majus venimus. In L. 52. §. 1. d. tit. præ-
teriens oculum amisit, quoniam flagello, quod in manu habebat,
in quo dolo inerat, prius tabernarium verberabat. Resp. 5. Vi-
tari posse periculum majus, si alterutrius electio penes aliquem sit.
Actionum noxalium vis & potestas hæc est, ut, si damnati fueri-
mus, liceat nobis deditione ipsius corporis, quod deliquerit, evi-
tare litis æstimationem, l. 1. d. noxal. act.

VI. Juris legitimi effecta circa Asssecurationem sunt tria.
Alii volunt jure civili Asssecurationem ignorari. Alii Asssecuratio-
nem ignorari, non tamen ignorari averfionem periculi. Alii Ass-
securationem non posse ignorari, non ignoratâ periculi averfione.

VII. Primi dum largiuntur jure civili non ignorari aver-
fionem periculi, sibi satisfaciunt.

VIII. Secundis satisfaciunt tertii, aut ignorantia est ejus
quod non ignoramus. Recepta ne sit vox asssecurationis, Grotius
libr. d. I. B. & P. 2. c. 12. num. 3. in fin. an non, id relinquimus Ful-
berto Episcopo, qui apud Vossium libr. d. vit. latin. serm. 4. in epist. 6.
ad usum meorum fidelium, qui illud asssecurabant vobis. Similiter constitu-
tiones Neapolitanæ, Rogerus Hovedenus & Thomas Walsing-
amus in descriptione Neultriæ pag. 591. Igitur post certas conditiones
asssecuraverunt Regem se propriis suis sumptibus damna castri villæq; ruinas re-
paraturos. Relinquimus pertinacibus, qui asinando magni æsti-
mant M. Pomponium Marcellum, quod Latini sermonis exactor
molestissimus fuerit. Ita autumant Securitatis vocabulum pro

salvo-conductu acceptum esse minùs latinum. Qui *in l. 3. C. d. navicul. libr. XI.* omni securitate potiuntur habent saluum-conductum. Non magis latinum est vocabulum Suffragii, quod Accursio *in l. un. C. d. Suffrag.* est honorarium datum Advocatis : non nemini est votum, cum sit beneficii impetratio, Hahn, *ad tit. d. prescr. verb. num. 4.* Est tamen animadvertendum, esse etiam vocabulum latinum, cui alienus sensus affingitur : vitium enim non est in ipso vocabulo. Et verò qui latinitatis urgent requisitum, ii ostendant in ipsa Affecuratione latinitatem, nec ante progrediantur ad tot significata, quibus Affecuratio est, 1. certitudo. 2. chirographum. 3. negligentia. 4. animi tranquillitas. 5. placida constitutio à malorum impendentium metu immunis.

IX. Adhæc ejus, quod ignoramus, subordinati sunt gradus, ut primus gradus sit confusæ notitiæ, in qua id, quod ignoramus, & id quod non ignoramus, coalescunt. Ut propiùs accingamur ei, quod nostræ Affecurationi convenit, indagemus navigationis initium, & deprehendemus confusam initii notitiam. Stupebat sub initium homo navem ferri non ex navigantium arbitrio, sed pro libidine ventorum, & ided summa littora legebat, quia ibi minor fluctuum vis, & in periculo à terra propinqua major spes. Eratosthenes, antiquus author, negat priscos vel Euxinum mare, vel quod inter Syriam Ciliciamque est, vel quod Lybiam cingit, adire aulos. Negat & Apollodorus, Pontumque Trojanis adhuc temporibus Axenon vocatum ait, non aliam ob causam, quàm quòd nemo eum navigaret. Qui autem peritia navalis suis accessionibus creverit, & primis initiis metuens metum posuerit, perhibent Ligures longè posteriores, qui maximè transmarinis expeditionibus florere, & Saracenos ex Sardinia & Corsica ejectos navalibus armis persecuti Antiochiam expugnarunt, & mox Seleuciam, Cæsaream, Ptolemaida, Tripolin, cæterasque Syriæ urbes maritimas pulsas, quocunque venerunt, hostibus. Ita Claudianus *in presat. rap. Proserpina,*

*Inventâ secuit primus qui nave profundum,
Et rudibus remis sollicitavit aquas :
Tranquillis primum trepidus se credidit undis,
Litora se. uro tramise summa legens :*

Mox

*Mox longos tentare sinus & linguere terras,
 Et leni capis pandere vela Noto.
 At ubi paulatim præceps audacia crevit,
 Cordaq; languentem dedidicere metum:
 Jam vagus irrupit pelago, calumq; sequutus,
 Aëneas hyemes Joniumq; domat.*

Vid. Salmuth. in not. ad Guid. Panciroll. libr. rer. memor. 2. c. 1. Hodierni nautæ, solis velis confisi, quotannis orbem terrarum crebris navigationibus circumire, & in alium orbem quasi colonias deducere videmus, solius ferè mirabilis pyxidis nauticæ auxilio, etiam veteribus incognitæ, cujus beneficio fit, ut die & nocte obscurâ, atque etiam tempestate coortâ, periti hujus rei & navarchi scire possint, quo loco in vastissimo illo Oceano constituti sint. Sunt animosiores illo nautâ, qui interrogatus à rustico, cum pater & avus ipsius in mari perierint, quare ipse navem intret, annon idem fatum expectet. Cui per instantiam respondit nautæ, quare ipse ascendat lectum, cum tamen majores suos in lecto diem obuisse fateatur, Gryphiander libr. Oeconom. legal. 1. c. 25. num. 17.

X. Non ignorant Affecurationem, quibus ex Heringio c. d. Fidejuss. 18. num. ult. non ignoratur contractus innominatus, Facio ut des. Nauta merces suas, Hamburgi fortè, in navem suscipiens facit, ut illæ salvæ & incolumes ad portum Ulyssibonensem proferantur & exponantur: tu vicissim illi aliquot nummos aureos propter susceptum periculum das & numeras, ut ita ille ipse nauta merces tuas suâ fide, suo periculo suscepisse non inconvenienter dici possit. Vid. Struven. exerc. 25. th. 47.

XI. Præludit Affecurationi, L 31. locat. in qua est oneris averfio: & opus, quod in l. 36. eod. averfione locatum est. Præludit Exercitor qui in l. 1. §. 15. d. exerc. act. per averfionem conduxit: & in l. 1. §. 35. de pos. Depositarius, qui deposito se obtulit.

XII. Præludit fœnus nauticum, quod est accessio quantitatis creditæ navigaturis periculo creditoris. Wissenbachius ad Pand. disp. 42. th. 27. part. 2. Vide Besoldum in thes. pract. spicilieg. verbo Wodmar Salmasium d. fen. trapex. p. 95. Statuta Hamburg. part. 2. tit. 18. von Wodmeret/ Borcholten d. naut. fen. Periculum est creditoris, cum tot sint pericula debitorum. Solum maris periculum,

cuisse toties committere necesse habent, hæc abunde demonstrant.
Apud Virgilium 1. *Æneid.*

*Franguntur remi, tum proa avertit & undis
Dat latus, insequitur cumulo præruptus aqua mons,
Hæc summo influxu pendens.*

Ut hinc verissimè pronunciârint sapientes, undarum clientulos,
qui animam ventis committunt, dolato consili ligno vix esse
— — — — *digitis à morte remotos*

Quatuor aut septem,

Juvenal. *Satyr.* 12. Marquardus *d. jur. Mercat. libr. 1. c. 4. num. 7.*
Crates Philosophus dicebat inter vitam & mortem naviganti nihil interesse præter tabulam, *Guevar. libr. 1. herol. 40.* Consentiunt alii scriptores, Plautus in *Menach.* Ovidius 2. amor.

Et propè tam lethum, quàm propè cernis aquam.

Juven. *Sat.* 14.

I nunc & ventis animam committe.

Socius culpæ reus est, si merces ultra solitum navigio advehat, cum terrâ possit, *l. 52. §. 4. pro Soc.* Ratio est apud Plinium, *libr. nat. hist. 19. in princ.* qui navigationem vocat summam audaciam, & injuriam humanæ naturæ, cui non fuerit satis hominem in terra mori, nisi periret & insepultus. Vide Lucretium *libr. 2.* Plautum in *Rudente A. 2. §. 6.* Facit hoc periculum, ut exactio usurarum centesimarum concedatur, antiquato illo jure Veterum, quibus non fuit definita quantitas usurarum maritimarum, unde factum est ut sæpe modus excederetur: quod non obscurè indicat *l. 26. in §. C. d. Usur.* in verb. *nec eam excedere, licet veteribus legibus erat concessum.* Vide Molinæum *d. Usur. q. 3. n. 91.* Salmasium *d. mod. Usurar. c. 9. p. 380.* Heraldum ad *jus Asiæ & Rom. cap. 20. vers. 5. & seqq.* Hinc Zæsius ad *tit. d. naut. fan. num. 4.* in ea est sententia sœnus nauticum etiam in jure canonico esse licitum, non tam ratione lucri, quod capitur ultra sortem, quàm nōmine justî periculi. Nec alii erant Zeno, Menippus, Cato, qui sœnus nauticum in stoica sua supercilia admiserunt. Utcunque autem usura centesima sufficere videbatur Imperatori in *d. l. 26.* ad compensandum creditoripericulum, effectum tamen sortiri ipsius constitutio nequivit. Etenim non potuisse propter periculum susceptum sœnus nauticus cum

eum restringi, contrariæ consuetudines successu temporis invalescentes docuerunt. Vide Jacq. d. Pottere d. naut. sen. th. 49. 50. Marquardum d. jur. mercat. libr. 2. c. 13. num. 69. ubi de Hamburgo versus Hispaniam.

XIII. Præludit Affecurationi Sponsio, de qua vide Simon. à Grænevegen in tract. d. LL. abrog. ad l. 108. d. V. O. Zypæum in notit. jur. Belg. d. relig. & alea. usu vers. sponsiones. Ludovicum Molinam d. I. & I. tom. 2. tract. 2. disp. 508. Magnif. Dn. Præsidis, Præceptoris summo perè colendi, manu ductionem ad jus Canonicum ac Civile in diff. Sponsio non est licita. Si tamen è sponsione periculi averfio educeretur, opinio, quâ omnes lucro inhiant, foret veritas. Opinionis est, quod est & veritatis, & veritati repugnat. Veritatis est aliquam sponsionem esse licitam. Veritati repugnat omnem sponsionem esse licitam. Utrumque comprehendit l. 3. d. Aleat. cujus verba sunt, In quibus rebus ex L. Titia & Publicia & Cornelia etiam sponsionem facere licet: sed ex aliis, ubi pro virtute certamen non sit, non licet. Quæ autem sint illæ res, tradit l. 2. in §. eod. Vide l. 17. §. ult. d. præst. verb. Non valent ergo sponsiones vulgares, quæ sunt in incertum rei eventum, Wissenbach. disp. ad Pand. 23. thes. 18. part. 1. Dissentiunt Tuldenus ad tit. C. d. aleat. num. 3. Sande 3. decis. 9. def. 1. Benev. Stracca d. Mercat. verb. d. Sponsion. part. 3. Goeddeus d. C. & C. S. concl. 1. n. 30. Christinæus in decis. cur. Belg. vol. 2. decis. 200. ubi tamen num. 5. excipit sponsiones & concertationes super ingravitatione scæminarum, quæ sint illicitæ & inhonestæ propter suppositiones & fraudes, quæ committebantur illarum occasione. Cur non excipit & illas scæminas, de quarum ingravitatione ut non quæreretur, quàm latus suppositionum & fraudum se aperit campus. Eleganter Baldus ad l. pen. C. d. spons. natura insitum esse mulieribus tacere. Elegantiores sunt Imperatores in l. 20. C. d. nupt. ubi puella cultu verecundiæ propriam noluit voluntatem depromere.

Vere prius volucres taceant, æstate cicada

Menalius lepori det sua terra canis,

Famina quàm juveni blandè sentata repugnet,

Hac quoque, quam poteris credere nolle, volet.

Hanc puellæ verecundiam intuenti & quemadmodum aliæ sint
procacio-

procaciores, se exhibet Isocrates, qui calcaribus in Ephoro, in Theopompo frenis utebatur. Verecundanti puellæ admoveatur calcar, procaciori frenum. Illa incitanda, hæc reprimatur: seu ut similes sint inter se, de altera limetur, quod alteri affingatur. Dum Proserpina passa est ingeniosum laborem raptum suum distinctis gemmarum exprimere coloribus: passa est, quod voluit. Dum fugiebat, aureum Cupidinem femori appendit. Non audiamus puellam

— — — — — *plorabile si quid*
Eligat & tenero supplantat verba palato.

Dum cupiunt hi sponsores, imitantur illos Italos, quibus & hic lusus est, ut repente porrectis digitis certantium uterque numerum divinet: divinationem dissimulent, vellent divinando non errare. Imitantur nautam Virgilianum, qui

— — — *clavum affixus & harena*
Nunquam oculos amittebat, sed ad astra tenebat.

Excipit Christinaeus d. num. 5. Sponsonem, cujus memorabile est exemplum apud Plinium *libr. N. H. 9. c. 35.* in Cleopatra & Antonio, Dum, inquit, hæc cum exquisitis quotidie epulis Antonii saginaretur, superbo simul ac procaci fastu lautitiam ejus omnem apparatusque obtrectabat: quærente eo, quid adstrui magnificentia possit, respondit unâ se cœnâ centies hujus (quæ erat ducentorum quinquaginta millium) absumpturam. Cupiebat discere Antonius, sed fieri non posse arbitrabatur. Ergo sponsonibus factis postero die, quo judicium agebatur, magnificam aliâs cœnam, ne dies periret, sed quotidianam, Antonio apposuit, irridenti computationemque expostulanti. At illa corollarium id esse, consumpturamque in ea taxationem confirmans, solamque sexcentis H. S. cœnaturam, i. e. quindecim centum millibus aureis. Inferri secundam mensam iussit. Ex præcepto ministri unum tantum vas ante eam posuere aceti (cujus asperitas visque in tabem margaritas resolvit) in quod unum ex unionibus, quos in auribus gestabat, conjecit, & resolutum ebibit. Lucius Plancus, qui ejus sponsonis judex erat, impedivit, ne alterum vicissim sic absumeret & condemnavit Antonium tanquam convictum. Excipit idem num. 8, omne id, in quo ludus est magister ignavia; instrumentum-

strumentum avaritiæ, fraudis officina, rei familiaris everſio, rixæ materia, morum perniciēs, dignitatis labes, angor animi atque cruciatus & inſignis ignominia. In *l. ult. C. d. aleat.* permittit Juſtinianus quinque ludos, Monobolon, Contomonobolon, Quinranum contacem ſine ſibula, Perichiten & Hippicen; ſed quemadmodum ibidem progreditur ad aleas, illarum uſus antiqua res eſt, & extra operas pugnatorias conceſſa; verum pro tempore abiit lacrymas, multa miſſia extranearum nationum ſuſcipiens. Quidam enim nec ludentes, nec ludum ſcientes, ſed numeratione tantum proprias ſubſtantias perdiderunt, diu noctuq; ludentes, argento, apparatu lapidum & auro. Conſequenter autem ex hac inordinatione blaſphemare Deum conantur & inſtrumenta conficiunt. Quis non miſereatur veterum Germanorum, qui apud Tacitum aleam inter ſeria exercent, tantâ lucrandi perdendive temeritate, ut, cum omnia deſecerunt, extremo ac novifimo jaſtu de libertate & de corpore contendant, victus voluntariam ſerviutem adit. Quamvis junior, quamvis robuſtior, alligari ſe ac venire patitur. Ut Creon ille in fabulis ardentem filiam amplexus, nihil eam juvit, ſed ſimul perit; ſic illi aleatores ardentem luſum amplexi, adeo ſe non juvant, ut ſimul cum luſu perire malint. Excipit idem Chriſtiænus *n. 18.* ſponſionem, quâ alter alterum in bibendo vel edendo ſuperet. Excipimus & nos, nec acclamamus victori quod mater Theſei apud Catullum,

*Funestam antenna deponant undiq; vestem,
Candidaq; intacti ſuſtollant vela rudentes.*

Facile ſuperabit bibens, ſi ex Athenæo *libr. 1. c. 24.* propinet vinum Fundanum, quod robuſtum eſt & multum nutrit, caputq; & ſtomachum pertentat, & ided in ſympoſiis raro bibitur. Si è Bleſkenio apud Beſoldum *libr. polit. 1. c. 10. n. 6. verſ. 2.* ſit ille Islandus, qui tonnam Hamburgensem cereviſiæ plenam tam facile ori ſuo admovebat, bibens ex illa, ac ſi unicam habuiſſet menſuram. In bibendo ſuperatum quadret illud Martialis *libr. 3. epigr. 12.* in Cerdonem

— — — *Lufiſti, ſatis eſt.*

Quadrat proverbium natum è Cumano aſino, ſibi leonis exuvias aptante, ſeſeque ad tempus pro leone gerente: quæ res aſino magno malo fuit, cum agnitus & omnium riſu alienâ pelle exutus

fustibus ad necem usque caderetur. Quo apologo monet Raderus ad *d. Martial. loc.* ne fortis nostræ obliti majora viribus conemur, sed intra pelliculam & fortunam nostram nos teneamus. Si non majora viribus conati fuissent juvenes quidam Agrigentini apud Athen. *libr. 2. c. 1.* vino calefacti, non eo usque dementiae processissent, ut se in triremi navigare, & pelagus esse vehementer perturbatum arbitrantur. Non omnem suppellectilem per fenestras projecissent, quasi gubernator navem exonerari præcepisset. Non cives occurrentes tanquam Tritones advocassent, si que iis opiculantibus portum attigissent, non solra soteriaque fuissent polliciti. Consultius egere populi Orientales, qui, teste Suida, non habuere pocillatorem, nullum pincernam. Quadrat in edendo superantem, quod tandem mors superet,

*Vita summa brevis spem nos vetat inchoare longam,
Jam se premet nox.*

Quadrat in edendo superatum Martialis solamen *lib. 12. ep. 39.*

Mullorum leporumq; & suminis exitus hic est,

Sulphureusq; color carnificesq; pedes,

Non Alhana mihi sit commissatio tanti,

Nec Capitolina Pontificumq; dapes.

Solamini est in has fordes abire, & mutari vocatos pisces, lepores, & suillæ partem optimam, quæ fumen est. Sequi pallorem & cruditatem: ille ex cruditate stomachi nascitur; hæc ex immodicis epulis. Sponsonem hanc sprevisset Augustus apud Suetonium *c. 76. 77.* qui cibi minimi erat atque vulgaris serè. Secundarium panem & pisciculas minutas, & caseum bubulum manu pressum, & sicos virides biseras maxime appetebat, vesciebaturq; & ante cenam, quocunque tempore & loco, quo stomachus desiderasset. Verba ipsius ex epistolis sunt, Nos in eseda panem & palmulas gustavimus. Et iterum. Dum lectica ex regia domum redeo, paucis unciam cum paucis acinis uva duracina comedj. Et rursum. Ne Judæus quidam, mi Tiberi, tam diligenter Sabbatis jejunium servat, quam ego hodie servavi, qui in balneo denum post horam primam noctis duas buccas manducavi, prius quam ungi inciperem. Vini quoque naturâ parcissimus erat. Non amplius serè bibere eum solitum super cenam in castris apud Mutinam Cornelius Nepos tradit: Postea quoties largissime se invitaret, senos sextantes non excoctis, cum, siccococosis, rejiciebat. Et maxime delectatus est rbatico.

*rhetico, neque temerè interdū bibit. Pro potione sumebat persusum aquā frigidā panem, aut cucumerū frustum, vel lactucula thyrsū, aut recens acidum-
vè pomum succi vinosioris. Sponsionem hanc sprevisset Julius Cæsar,
qui apud Suetonium c. 53. & vini erat parcissimus, & erat Catonis
verbo unus, qui ex omnibus ad evertendam Romā, sobrius acces-
sit. Cajo Oppio circa victum aded̄ indifferens erat, ut cum appo-
sitis asparagis pro viridi oleo conditum, hoc est unguentum in-
stillaretur, aspernantibus cæteris, ipse faciliè commanducavit, ne
hospitem aut negligentia, aut rusticitatis videretur arguere.
Spernunt omnes hanc sponsionem, qui Milonem, Χαλκισιῶτον
appellatum, quod in humeros taurum ingentem sustolleret, pu-
gno aut talitro necaret, ac protinūs totum devoraret. Spernunt,
qui Martialis Sextilianum, qui tantūm bibit, quantūm aliās so-
liti sunt quinque equites.*

XIV. Videamus tamen rationes dubitandi, quæ sponsio-
nem improbant. Prima est, quod calor spondendi mericō sit re-
frænandus. Resp. non tolli quod refrænatur. Frænū est vel
majoris cautionis, vel modi, vel prudentiæ. Major cautio est in
l. 9. in princ. d. public. & veſtig. quæ allegari solet: quoniam loca-
tio veſtigialium, quæ calor licitantis ultra modum solitæ con-
ductionis inflavit, ita demū admittenda est, si fidejussores ido-
neos & cautionem is, qui licitatione vicerit, offerre paratus sit.
Modus est in donatione excedenti quingentos aureos, cujus fræ-
num est, ut actis intervenientibus insinuetur *§. 2. l. d. donat.* nec sit
à monumentorum observatione libera, *l. 34. §. 4. C. cod.* Pruden-
tia attendit reip. interesse, ne re suā quis malè utatur, non tamen
inhibet fidejubendi facultatem. Secunda dubitandi ratio est irra-
tionabile videri hominem cordatum se suæque ludibrio fortunæ
committere: incertus enim est fortunæ exitus, *l. summissio. 34. §. 4.
C. d. donat. l. plane. 4. ut impossib. legator.* R. 1. Hoc negari ex mente
Ethnicorum, qui virtuti fortunam conjungebant. Vide Xenoph.
in *acon. c. 8.* Tullium in *Caton. M.* Livium in *libr. 1. dec. 4.* ubi Sem-
pronii virtutem fortuna secuta est. Pacatum in *paneg.* cui duo cla-
ros Duces faciunt, summa virtus summaque felicitas. Quo perti-
net Symbolum, virtutē Duce, comite fortunā: sive ut Jason portæ
suæ inscripsit: Virtuti fortuna comes. Resp. 2. virtuti fortuna
conjugatur, non conjungitur temeritas: quæ temeritas sit Gygis

annulus, cujus beneficio omnia ex a nimi voto consequatur. R. 3. aliud est fortunæ committere, aliud fortunæ ludibrio, quod tum regnat, si fortuna nimis fatigetur, fatigata nimis, quanquam indullerit, in fine deficit. Sic Plinius libr. 4. epist. 11 Valerius Licinianus heic modo inter eloquentissimos causarum actores habebatur, nunc edecidit, ut exul de Senatore, rheor de Oratore fieret. Itaque ipse in præfatione dixit dolenter & graviter: Quos tibi fortuna ludos facis? facis enim ex Professoribus Senatores, ex Senatoribus Professores. Resp. 4. d. §. 4. non asseri fortunæ nihil esse committendum, sed incertum fortunæ exitum hoc suggerere, ut omnia certâ divisione concludantur. R. 5. in d. l. 4. non agi de fortuna, sed de re familiari, quæ inopinato fortunæ impetu amitti potest. R. 6. etiam agi de fortuna, quatenus circa incertum fortunæ exitum disponitur, arg. l. 12. d. act. empt.

Tertia dubitandi ratio est: quod homines ad hujusmodi spon- siones ex mera plerumque jactantia, seu inconsulto quodam luxu- riantis animi impetu sine ulla deliberatione matura, firmoq; men- tis proposito præcipitantur potius quàm feruntur. Et hinc factum est, ut Romani veteres nuda pacta pro infirmis haberent, ne quis faciliè amissione suum perderet, l. jurisgentium. 7. §. sed cum nulla. 4. vers. igitur nuda. ff. d. pact. l. divisionis. 45. ff. eod. l. nuda. §. C. d. C. & C. 8. R. Finckelth. obs. 33. num. 26. quod de jactantia & inconsul- to impetu asseritur: non indifferenter de sponsonibus dici potest; sed de sola præcipatione, causâ inhonestâ, excessu nimio. Ea- mus per singula. Non tantùm de sponsonibus, sed de omni alio infertur. Quicquid est ex mera jactantia, est ex inconsulto quo- dam luxuriantis animi impetu, qui impetus excludit omnem de- liberationem maturam, & infirmo mentis proposito præcipita- tur potius quàm fertur. Ita se præcipitat Erothea Petroniana,

*Quicquid in orbe vides, paret mihi florida tellus,
Quum volo spissatis arescit languida succis:
Quum volo, fundis opes, scopuli atque horrida saxa
Nilivæ jaculantur aquas, mihi Pontus inertes
Submittit fluctus, Zephyrig, tacentia ponunt
Ante meos, sua strabra pedes: mihi flumina parent,
Hircanæq; rigres, & jussi stare dracones.*

Si qui Eruditorum scire avent, quomodo hæc liberiora suis sim- castiganda

castiganda moderaminibus, illi legant Erasmus *lib. 1. ep. 12. & 14. libr. 2. ep. 22. lib. 5. ep. 24. libr. 12. ep. 7. & 29. lib. 19. ep. 15. & 91. lib. 20. ep. 15. lib. 31. ep. 44. & 45.* & invenient quâ admissione alii eum vocaverint Magnæ libertatis & doctrinæ Theologum. Summum inter Eruditos Jovem. Magnum Bataviæ Cygnum. Nunc Atlantem, nunc Phœnicem, nunc miraculum naturæ æternum, nunc præsidium eruditionis, doctrinæ, pietatis, prudentiæ. Non admisisset illud Poëtæ,

Teutona terra suum cùm miraretur Erasmus,

Hoc majus potuit dicere, nil genui:

Quippe Deos inter, cælo ridente, relatum

Ipse suum dixit Jupiter esse genus.

Non admisisset alterum epicedium, de quo ut priori Magnif. Dn. Præses nostri seculi Jctus incomparabilis in *comment. ad princ. Proem. Inst. th. ult.*

Hac quo secula neminem tulerunt

Majorem, neque prisca clariorem

Norunt tempora: nec tui futura

Parem posteritas habebit.

Quare Romani veteres nuda pacta pro infirmis habuerint, de hoc dubia nostrarum sponsionum nil spondent.

Quarta dubitandi ratio est, quod ita concertantes nullam probabilem conventionis suæ causam reddere valeant, arg. 1. 2. *S. circa 3. d. dol. mal. & met. excep. R. in d. S. 3. proponi longè alium casum, quo vel ab initio nulla causa suberat: vel justa causa facta est non idonea. In sponsione licita, quam licitam facit virtus, sat probabilis est conventionis causa.*

Quinta dubitandi ratio est, posse spe lucri quem invitari ad delinquendum, *l. illud convenire. 5. S. 1. d. pact. dot.* Unde non tantum sæpe inter victum & victorem magnum odium oritur, sed & utrinque magnum quandoque committitur peccatum. Imò datur nonnunquam occasio optandi alterius mortem. *R. 1. virtutem, cujus est sponsio, spe lucri non invitare ad delinquendum. R. 2. in d. S. 1. non proponi sponsionem, sed geminum pactum, & alterum invitare mulierem ad furandum, altero jus civile impugnari. R. 3. quod inter victum & victorem magnum oriatur*

odium, causa est in iis ipsis, qui præter meritum odio prosequuntur. R. 4. Utrique quandoque committi peccatum, hoc non est ipsorum limitum, intra quos sponsiones consistunt, sed ruptis limitibus læce evagatur. R. 5. occasio optandi alterius mortem est causa remota, quæ nihil prohibet ejus, quod est proximum. Hæc causa remota si talis agnoscat, Assecurationis contractus & tum erit licitus, cum quis securam reddit vitam alicujus pro pretio aliquo, ita ut, si ille ante id tempus mortuus fuerit, Assecurator solvat certam pecuniæ quantitatem. Addit Molina *d. tract. 2. disp. 507. num. 12.* Sicut donatio causa mortis aut heredis institutio non improbantur, quia donatarius aut heres optare possunt mortem donantis aut testatoris, ut id emolumentum consequantur, quoniam id non est præbere illis occasionem illius pessimi desiderii, sed ipsos ex sua nequitia occasionem inde sumere: ita rem habere in proposito. Talis nequitia est apud Horatium *lib. serm. 2. s. 5.* in persona simulantis se amovere tabulas testamenti, & tamen veloci percurrit oculo.

— — — *quid prima secundo*
Cera velis versu, solus multisne coheres.

Sextam dubitandi rationem mutuantur è jure Saxonico, quibus respondet Val. Guil. Forsterus *d. domin. c. 8. à num. 146.* Plerique Saxonici Juris Interpretes contrarium statuunt, quoniam de jure Saxonico sponsiones nullibi expressè prohibita leguntur. Deinde posito sed non concessio Sponsiones jure Saxonico prohiberi, Saxones dissentire possunt. Postremò & in jure Communi & in Saxonico sponsiones sunt licitæ & illicitæ. Jusjurandum in litem est licitum, quò jurare in infinitum licet: est illicitum, quò Judex jurijurando modum statuere potest, ut intra certam quantitatem juretur. *l. 4. §. 2. d. in lit. jur.*

XV. Qui amplectuntur Assecurationis definitionem, operose addunt illam omnibus definitionibus communem rationem, ob quam à definitione sit inchoandum. Secundò se tralatitio metu occultant sub eo, quodd omnis definitio in jure sit periculosa: Tandem (quod paucioribus erat absolvendum) abstinunt modò ambiguitatem, prolixitatem modò: modò putant emicare novum philosophantis acumen, quo separant conventionem à contractu, cum contractus possit dici non equidem quævis conventio, sed

tio, sed conventio talis. Cum his conveniunt, qui alligant tenacius Assecurationis objectum aut illud extendunt. Assecuratio est omnis illius, cujus potest esse periculum.

XVI. Assecuratio est contractus innominatus, quo indemnitas certo interveniente pretio præstatur.

XVII. Genus Assecurationis est esse contractum. Hoc non tam refertur ad libertatem contractus celebrandi, à quo recedimus, *l. 22. §. ult. mand. l. 5. C. de O. & A.* quàm ad necessitatem contractus celebrari, è quo nascitur ultrò citroque obligatio, quam ultrò citroque obligationem faciunt notam contractus respectivi, cum tamen omnis contractus sit ultrò citroque obligatio, *l. 19. d. V. §. 8.* & mutuam præstationem contineat.

XVIII. Est contractus innominatus, *Rutg. Ruland. d. Commis. part. 3. lib. 3. c. 15. num. ult. Struven exerc. 25. th. 46.* quia in Assecuratione magis rem quàm consensum respicimus, utpote quæ sola initium obligationi præbet. In *l. 1. §. 2. d. rer. perm.* emptio venditio nuda consentientium voluntate contrahitur, in quo à contractibus innominatis separatur.

XIX. Hacpropter errant omnes ii, qui in Assecuratione esse societatem arbitrantur. Non potest esse societas, ubi non est commune periculum. Quoddè *Styrmannus*, vel potius ejus continuator, *d. jur. marit. p. 4. c. 7. n. 123.* hic vult exsculpere societatem leoninam, obtusi est, quoniam est etiam societas, in qua alter tantum damnum patitur. Notandum insuper non in eo esse societatem, quod societati civili est utile, uti est Assecuratio, quæ Mercatores audent merces suas ex uno loco ad alterum transportare, majori cum securitate: nam per societatem non intelligimus societatem civilem, quæ est bonum publicum. Magis errant, quibus in Assecuratione est mandatum. Si esset mandatum, Assecuratio esset gratuita. Errat *Molina d. l. C. I. tom. 2. tract. 2. diff. 507. num. 2.* qui censet Assecurationem esse contractum emptionis venditionis, aut ad eum reduci, quo pro certo pretio venditur susceptio periculi, seu obligatio solvendi æstimationem rei, si pereat. Sicut enim jactus retis, h. e. jus ad pisces, qui retis jactu capiuntur, emitur ac venditur, *l. si jactum, ff. d. act. empt.* ita onus seu obligatio solvendi rem, si pereat, vendi ac empti potest juxta *l. periculi, pretium. ff. d. naut. fœn.* Confirmat sic suam opinionem *Molina*, quando pretium

pretium promittitur pro Assecuratione rei alicujus, ut regulariter fieri solet, utique quia talis contractus est emptio venditio, perficitur solum mutuo consensu; eritque contractus bonæ fidei. In hac Molinæ confirmatione latent & absurdum & dubietas. Absurdum est, Assecurationem perfici mutuo consensu, & ita perfici mutuo consensu id, in quo magis rem quam consensum respicimus. Dubietas est, Assecurationem esse bonæ fidei, cum omnes contractus innominati regulares sint stricti juris. En tibi cen, cui innituntur. Marquardus *d. c. 13. num. 32.* scribit Assecurationem esse contractum bonæ fidei, quia in hoc contractu hac fide versandum: hæc bona fides contractum b. f. à contractu stricti juris non distinguit. Dubietatem in medio relinquimus: absurdo addimus absurdum, quo apud Stypmannum *d. jur. marit. d. p. 4. c. 7. à. n. 98.* absurdum est in emptione utrumque dare pecuniam: at hoc fit in Assecuratione. Addere potuisset & hoc, in emptione minus præstari, quia præstatur culpa levis, quam in Assecuratione.

XX. Errant, qui Assecurationem censent esse locationem & conductionem, quòd alter operam suam locet merces salvas faciendo: alter pro ea solvat mercedem. Non locator merces salvas facit, sed conductor. 2. conductor est conductor, antequam merces recipiat. 2. mercedis numeratio in locatione & conductione est duntaxat usus.

XXI. Errant, qui Assecurationem censent esse stipulationem. Est stipulatio, si stipulatio sit medium, quo aliquid fit: non est stipulatio, si stipulatio sit genus. Sic sequeretur Feudum esse stipulationem, si solemni interrogatione præcedente & responsione congruâ in continenti subsequente, feudum alicui promissum fuerit, arg. *c. imperialem d. prohib. feud. alien. per Frideric. 2. f. 55.* Ludvvel. in *synops. jur. feud. c. 7.* Hoc solum sequitur stipulationem, quæ abesse & adesse potest, Rutg. Ruland. *d. Commiss. part. 3. libr. 3. c. 15. num. pen.* esse contractum generalem, indeterminatum, pertinentem ad omnia, quæ munimento stipulationis confirmari possunt, ita ut stipulatio sit Assecurationis: non tamen Assecuratio sit stipulatio. Literarum obligatio potest dici Assecurationis: non tamen Assecuratio est literarum obligatio. Priori sensu literarum obligatio venit in accessionem: posteriori sensu est omne id, de quo quæritur. Præterea in hoc distinguitur Assecuratio à literarum

rarum obligatione, quodd hæc perimatur exceptione non numeratæ pecuniæ, quæ contra Fachin. 2. *controv.* 56. in Asssecuratione non habet locum, propter instrumentum Asssecuratorium paratam executionem secum ferens, Lud. Romanus ad l. 13. C. d. *non num. pecun. num.* 3. Wefenb. *vol.* 1. *conf.* 24. n. 21. Strypmannus *dist.* cap. 7. à num. 514.

XXII. Errant, qui censent Asssecurationem esse Fidejussionem. Suscipere in se periculum de damno incerto non est fidejuberè: quoniam & hoc est principalis obligationis, non tantum accessoriaræ, in se suscipere periculum. Si negatum erat Asssecurationem esse stipulationem, negari potest & hoc Asssecurationem esse fidejussionem, quæ est stipulationis exemplum.

XXIII. Si aliquid concedendum esset, Asssecuratio esset contractus anomalus, qui de utroque tam nominato quàm innominato participet, ut de Feudo concessit Curtius Jun. p. 1. q. 9. n. 3. *in fin.* Et idè non necessum est arguere cum Strypmanno, d. *jur. marit.* p. 4. c. 7. à num. 162. Si jurisgentium pleræque conventiones nomen acceperunt tacito consensu, cur non idem potuit Asssecuratio à multis vel pluribus gentibus adipisci. Vel si à solis Romanis stipulatio conventio nominata potuit declarari, quis vetabit alios populos, ne Asssecurationi id tribuerent. Imò si Imp. Zenoni licuit Emphyteusin à locatione conductione, & emptione venditione separare, §. 3. l. d. *locat. cond.* cur non Philippo Regi Hispaniarum post multas disputationes licere potuerit Asssecurationem ab emptione, locatione vel aliis conventionibus nominatis vel innominatis segregare. Impotentiores sumus, qui cum Rege Hispaniarum contendamus: id solum monstramus, cui juris civilis negotio Asssecuratio sit magis vicina.

XXIV. In Asssecurationem venit indemnitas, quâ quid intelligatur, definit fidejussor indemnitis & in l. 5. *in princ. depof.* indemnitas ejus, qui depositum suscepit. Definiri & ex oppositione periculi potest: non sinisterioris eventus, cum periculum non sit in ipso sinisteriori eventu. Infert hic Cardinalis de Lugo, d. l. 1. & l. disp. 31. *sect. ult. num.* 98. Si periculum reverà adhuc esset, sed ex revelatione scires navem non esse ab hostibus capiendam, posses pretium accipere, quia cum periculum sit verum, nullus est defectus aut falsitas intrinseca in re, pro qua pretium accipis, neq;

in ipſo periculo & obligatione ad ipſum : nam futurus eventus non tollit periculum : & pretium non accipitur pro eventu, ſed pro periculo eventus, quod eſt idem in ſe, ſive captura ſequatur, ſive non ſequatur.

XXV. Sub nomine periculi, de quo fit cautio, præ omnibus placet Loccenius *d. jur. maritim. libr. 2. c. 5. n. 5.* comprehendî omnem caſum, qui accidit à tempeſtate, ab hoſtibus, prædonibus, repræſaliis, ut vocant, arreſtis, aliisque modis uſitatis & inuſitatis, citra fraudem & culpam contrahentium, aut Domini mercium vel navis, Grot. *introd. jur. Holland. part. 24.* Periculum autem vel per ſpeciales caſus exprimi ſolet & ſic ad non expreſſa quis non tenetur. Vel principalibus caſibus enumeratis, generalis clauſula ſubjici ſolet, & ſic ad omne periculum tenetur, Rittersh. *ad l. contractum. 23. d. R. 1. c. 18.* E contrariò omni periculo ſuſcepto poteſt quis limitare conventionem excluſâ unâ vel alterâ ſpecie, e. g. piratarum incurſu, & tunc excluſio unius facit incluſionem reliquarum. Sed & in certa ſpecie periculi poteſt reſtringi, ne reſpectu hujus vel illius caſus locum habeat, præſertim ſi ille caſus non facile caveri queat.

XXVI. Loccenius confundit modos caſuum uſitatorum & inuſitatorum, quos alii vocant ſolitos & inſolitos, vel non tam confundit, quàm vult Aſſecuratorem omnium caſuum periculum recipere. An autem ſit diſtinguendum inter caſus ſolitos & inſolitos, vide Pantzſchmannum *queſt. practicab. 7. part. 1.* Non ſint caſus alii inſoliti, quod nemo affirmaverit, caſus alii ſunt rari, communes alii. Quodd ſi Aſſecurator caſuum inſolitorum periculum in ſerecipiat, comprehendit caſus planè inſolitos, qui de mille annis unâ vice contigerunt, quosque ſeculis aliquot ſemel atque iterum eveniſſe obſervatum fuit, v. g. navim in balenæ molem ſub undis latitantem, impetu vehementiori illiſam, compagibus revulſis periſſe : currum mercibus onuſtum, exortâ ſubitâ ventorum immanitate, de ponto in flumen præcipitatum. Ut tamen non comprehendantur, tutiùs eſt eos excipi in ſecuritatis apocha ſeu Pollice. Qui ſint caſus planè inſoliti, vid. Br. in *l. 10. §. 1. d. ann. leg. 1. 4. §. 4. ſi quis caution.* & Menoch. *conf. 156. num. 6. d. arb. Jud. libr. 2. cent. 1. caſ. 80. cit. ſin. d. A. P. remed. 12. num. 36. 37. Cravettam conf. 95. num. 2.*

XXVII. De incendio minùs ambigitur. Non tamen Afsecuratus agat Neronem, qui Romæ incendium è turre Mœcenatica prospectans lætusque flammæ pulchritudine halosin Ilîi decantavit. Cogiter quod est humanitatis, se esse Afsecuratorem, cui incendium noceat. Non etiam præcedat fraus Afsecurati, cui factum suum nocet, *l. 155. in princ. d. R. l.* nec culpa nautæ, qui rectâ navigatione omisâ, devia littora sectatur, ut ille, qui *in l. penult. C. d. navicul. libr. 11.* fîcales species suscipit deportandas. Et tenetur, qui ad alium minùs tutum portum, quàm fuerat conventum, navim applicat: merces humore, non tamen ex tempestate contracto, deteriorari, vinum acescere, grana à curculionibus, ligna à teredine, pannum à tineis absumi, à muribus arrodî sinat. *vid. l. 3. C. d. naut. fœn.* Tunc si ex fraude Afsecurati, & culpa nautæ sequatur incendium sive aliud, aliud eo nomine non tenebitur.

XXVIII. Ut non præcedere potest fraus Afsecurati nec culpa nautæ; ita nautæ non imputandum id, in quo nulla nautæ est culpa, & omne, quod à nauta est factitatum, Afsecurati consensum comitantem habuit. Apud Stypmannum *d. jur. maritim. p. 4. c. 10. num. 79.* occurrit lepidus casus inter cœnantes aliquando convivalibus sermonibus agîtatus, quem refert Magnif. Dn. Præses, Patronus & Præceptor ætatem devenerandus in Manuductione sua ad jus Canonicum ac Civile in diff. *Usus tollit abusum.* Negotiator aliquot centum oves cum opilione, cujus custodiæ eas commiserat, vult flumen trajicere, & convenit cum nauta, ut in singula capita ovium solidum daret: Hic oves pontonibus imponit, & fortè fortuitò simul aliquot viatores ad trajiciendum intrant. Inter eos unus, dum hinc inde in flumen jactantur, obdormit, & capite hinc inde moto & vacillante, ut dormitantes facere solent, quasi minitari videtur. Hoc dux gregis caper videns in ipsum cornibus arietat: ille inter somnum & vigiliis medius dum caprum palmâ feriendo à se amover, ipsum terret, qui protinus in mare delabitur, & subitò post ipsum omnes ferè oves. Hic Afsecurator non tenetur. Quòd enim negotiator aliquot centum oves cum opilione nautæ commiserit, in id Afsecuratus consenserat. Et hoc Afsecuratus potuit scire caprum in dormitantes, si capite hinc inde moto & vacillante dormiant, arietare. Potuit scire caprum territum ac in mare dilabentem sequi oves.

XXIX. Alia est facti species, quâ non interrogatur, num Affecuratus consenserit, sed interrogatur, num Affecurator consenserit? Subsumit Marquardus *d. loc. num. 62.* Si in una & eadem navigatione merces transferuntur ex una navi in aliam, & novissima deperdatur cum mercibus, Q. num Affecurator teneatur de tali periculi eventu? & resp. inspiciendam esse formam Affecurationis, an in ea mentio facta novissimæ navis, an minùs. Si prius, utique ex lege conventionis tenetur, modò absque dolo atque culpa iste casus contigerit. Si mentio facta non sit, non tenetur, vid. Molinam *d. l. & l. tract. 2. disp. 507. ubi num. 8.* agit de eo, qui Affecurationem petit in navem vacuum, quam affirmet esse onustam mercibus. *Num. 10.* agit de eo, qui nihil habebat in bonis, & tamen navim pro aliquo pretio affecuravit, habens in corde, si navis pereat, fugere in aliam regionem, ubi de eo nihil sciatur.

XXX. Alia facti est species, quâ ex Astrologia, non fore tempestates: ex literis amici, non fore piratas, intra Vestræ penetralia occultamus. Astrologiæ quænam est adhibenda fides? nulla eorum est, qui falsò se Astrologos jactant. Exiguam merentur, qui tales sunt. Priores repræsentant Christianum Becmannum, qui, nescio quâ occasione, inciderat in aliquot paginas græco sermone conscriptas. Cùm verò literæ, ut solet, paulò grandiores, variisq; flexibus circumductæ apparent, homo simplex æstimabat characteres esse magicos atque præstigias, quibus oculi animique legentium præter opinionem fascinentur: ideoque sine mora ad focus properans, quicquid erat paginarum, infelicibus ustulavit flammis. Repræsentant Saturnum, qui in conjugium acceperat Rheam, & cum responso Astrologi commonitus esset, quòd, qui ex eo nasceretur, fortior ipso futurus esset, regno eum depulsurus omnes, qui ei nascerentur, filios devorare, instituit. Huic ergo primus nascitur filius, quem Aiden appellarunt, quem adsumptum devorat pater. Post hunc secundum genuit, quem Neptunum dictum, simili modo devoravit. Novissimum genuit eum, quem Jovem appellant, sed hunc miserans mater Rhea per artem devoratori subtrahit patri, & ne vagitus pueri innotesceret, Corybantas quosdam cymbala fecit ac tympana percutere, ut obstrepente sonitu vagitus non audiretur. Joan. à Wovver in *not. ad. Minucium Felicem.* Posteriores Astrologi, qui exiguum merentur

rentur fidem, non sapiant ultra crepidam: non, dum cœlestium siderum vim & efficaciam contemplantur, civitatum everisionem evincere conentur: aut eos salsè illudimus cum Eobano Hesso,

Ah miseros, qui signa notant, & sidera spectant,

Et spes inde hominum, vanag, vota trahunt.

Aut cum Homero, è quo loquitur sepulchrum, *Heic jacet*

Calchas Thestocides au, arum longè præstantissimus,

Qui noverat & præsentia & futura & præterita,

Et navibus via dux fuerat Græcorum ad Ilium

Suam ob artem vaticinandi, quam ei præbuit Phæbus Apollo.

Knipschild d. jurib. & privil. civit. Imper. libr. 1. c. 15. num. 8. Vide Curtium libr. 3. Tholosanum d. rep. 21. c. 9. num. 12. Arumæum de jur. publ. vol. 1. disc. 28. à th. 10. Befoldum libr. politic. 2. c. ult. num. 4. apud quem Ethnicorum Theologia nil nisi Astrologia fuit: non tamen statuas, ut multi sibi persuadent, adorabant, sed fuerunt spirituum astralium magica signa, quorum interventu suis se astris & genii devinciebant. Vide Anfaldium d. juridic. part. 4. tit. 8. Manuductionem Magnif. Dn. Præsidis, J. Cti famigeratissimi, ad jus Canonicum & Civile in diff. *Sortilegia vetantur*. Quod adjicitur de literis amici, eas posse promittere non fore piratas: promitteret forsan, si idem amicus esset Astrologus. Non possunt promittere non fore piratas. An possunt promittere piratas, omni crudelitate efferatos, quibus omne fas nefasque lusus est, à libidine temperaturos? simul terras & maria latrocinantur, ipsa fronte crudeles, humano sanguini assueti præferunt ante se vincula & catenas, gravia capitis onera. Eumenio in paneg. Constant. Cæs. recurfat in animo illa sub Divo Probo & paucorum ex Francis captivorum incredibilis audacia & indigna felicitas; qui à Ponto usque arreptis navibus Graciam Asiaticam, populati, nec impunè plerumque Libia litoribus appulsis ipsas postremò navalibus quondam villoriorum nobiles cuperant Syracusas, & immenso itinere pervekti Oceanum, quæ terras irrupit, intraverant, atque ita eventu temeritatis ostenderant, nihil esse clausum piratica desperationi, quò navigis pateret accessus. In literis amicorum præcipua sunt meritorum & officiorum momenta. Ast nullum consequimur meritum, si polliceamur non esse piratas, & piratæ invaserunt: Officit officium, si suadet securitatem, ubi imminet periculum: cum extra tela positum, quem circumdat undecunque metus.

XXXI. Hactenus Asssecurationis genus & partem differentiae illustravimus : illustranda nunc pars reliqua , in verbis, certo interveniente pretio praestatur.

XXXII. Non initur Asssecuratio nisi certo interveniente pretio, & hoc vult Molina *d. disp. 507. num. 2.* juxta quem licet periculum rei alicujus suscipi possit gratis , atque adeò tunc contractus non sit onerosus, sed gratuitus, pertineatque ad donationem ac liberalitatem : quia tamen regulariter non ita celebratur, contractus Asssecurationis est onerosus. Non quaeritur an periculum rei alicujus suscipi possit gratis ; sed an natura Asssecurationis sit gratis suscipere rei alicujus periculum. Si hæc esset natura, Asssecuratio esset species donationis, & quis non tam susceperet rei alicujus periculum, quam jus suum remitteret. Quærere præterea, an Asssecuratio referatur inter contractus onerosos? hæc quaestio non esset pluris, quam si quaereretur, an contractus innominatus referatur inter contractus onerosos?

XXXIII. In hoc certo interveniente pretio quatuor exploremus. 1. debere esse pretium. 2. pretium illud intervenire. 3. pretium, quod intervenit, esse certum. 4. an pretium non alio nomine indigetetur, & quid ei æquipolleat.

XXXIV. Debet esse Asssecurationis pretium, ne officium Asssecuratoris ei sit damnosum *l. 7. testam. quemad. aper. l. 54. d. R. V. l. 5. §. 13. d. huius, quæ ut indign. l. 28. Ex quibus caus. maj. in integr. restit. l. 61. §. 5. d. furt. l. 26. C. d. administrat.*

XXXV. Pretii illius interventus est vel perfectionis vel consummationis. Perfectionis est conventio de pretio. Consummationis est pretii traditio. Et perfectio & consummatio se exhibent in emptione venditione. In *princ. l. d. empt. vend.* cum emptio & venditio contrahitur simul atque de pretio convenerit, quamvis nondum pretium numeratum sit, quia sufficit necessitas traditionis *§. 2. l. d. donat.* illud est perfectionis. Quod autem in emptione-venditione est consummationis, de eo agit *l. 7. §. pen. de publ. in rem act.* ubi ut publiciana competat, hæc debent concurrere, ut & bonâ fide quis emerit, & ei res emptæ sit eo nomine tradita. Ceterum ante traditionem quamvis bonæ fidei quis emptor sit, experiri publicianam non poterit. Quid definiendum, si asssecuratus præmium sive periculi pretium realiter non persolverit, num ad damni subsequuti emendationem obligatus

obligatus est Asscurator? R. Marquardus *d. l. num. 12.* non tam ex regulis juris communis, aut etiam alterius cujuslibet stylo & consuetudine, quam observantia illius loci, in quo lis movetur.

XXXVI. Pretium, quod intervenit, est certum, si certitudinis illius sit necessitas, sive deficere possit, sive existat, sive ab initio sit nulla. Est necessitas, si pretii determinatio conferatur in arbitrium Asscurati vel Asscuratoris. Hic iterum est imitatio emptionis venditionis, nam in vendentis vel elementis voluntatem collatâ conditione comparandi, quia non adstringit necessitate contrahentes, obligatio nulla est, *l. 13. C. d. C. E. l. 7. in princ. ff. eod.* Ab hac autem imitatione ad ipsam Asscurationem non meliùs progredimur, quàm à dorso piscis ad carinam: à cauda piscis ad puppim: à capite piscis ad proram: à pinnis ad remos.

XXXVII. Certitudinis necessitas deficere potest, ut in casu legis 25. *in princ. ff. locat.* ubi Gajus, si merces promissa sit generaliter alieno arbitrio, locatio-conductio contrahi non videtur. Sin autem, quanti Titius aestimaverit, sub hac conditione stare locationem, ut si quidem ipse, qui nominatus est, mercedem definierit, omnimodò secundum ejus aestimationem & mercedem persolvi oporteat, & conductionem ad effectum pervenire. Sin autem ille vel noluerit vel non potuerit mercedem definire, tunc pro nihilo esse conductionem, quasi nullâ mercede statuat. Vide *l. ult. C. d. C. E.*

XXXVIII. Existit certitudinis necessitas, quando species vel quantitas, quæ in obligatione versatur, aut nomine suo, aut eâ demonstratione, quæ nominis vice fungitur, qualis quantaque sit, ostenditur, *l. 6. d. R. V.* Quæ demonstratio sit manifesta, vel ex se, vel in relatione ad aliud, *d. l. 7. §. 1.*

XXXIX. Ab initio est nulla certitudinis necessitas, in qua non utrumque concurrat, & ut naturâ & ut pronuntiatione res certa sit: deficiente enim uno res variabilis existit, & dehinc incertitudinem involvit, quod exemplis declarat Frantzkius ad *d. l. 1. d. C. E. n. 27.* Si promittam Stichum aut Pamphilum, res quidem per naturam & demonstrationem certæ sunt: at pronuntiatione propter disjunctionem, sub qua promissio facta est, incertæ, cum in electione sit debitoris, uter solvi debeat: item uter eorum alteri superstes sit mansurus, donec solvatur *l. 25. in princ. & §. qui illud d. V. O.* Idem est si quis hominem in genere promittat. E. contra si

tra si quis v. c. ex fundo Corneliano permittat fructus hoc anno nascituros, pronuntiatione quidem & sermone constat, quid & quale promissum sit, sed cum fructus per naturam non appareant, & incertum sit, an nascituri sint, stipulatio quoque certa, vel conditio pro illis competens certa dici non potest.

XL. Hoc premium Hahnio *ad tit. ff. d. presc. verb. n. 4.* vocatur premium, & nos supra *ib. 35.* ita vocavimus. Quod de viiutute Juvenal. S. 50.

— *quis enim virtutem amplectitur ipsam*
Premia si tollas?

idem in assecuratione verum. Nec insubidum fuerit, de eodem predicari pretium & premium, ita ut pretium in Assecuratione sit premium ei, qui à natura contractus recedit. Imò si alteri plus tribuendum, plus erit in premio quàm in pretio, quippe quod potest habere locum, ubi pretio locus non esset, *arg. l. 6. in princ. mand.* Alio sensu plus erit in premio, quàm in pretio, si pretium sumatur pro mercede, ut in *l. ult. §. ult. d. L. Rh. d. jact. l. 28. §. ult. l. 52. in §. l. 1. §. 8. in princ. ff. locat. l. 10. §. ult. d. A. vel A. P.* Vel potest pretio accedere premium. Card. d. Lugo d. *sect. ult. n. ult.* docet, quomodo licitum sit, quando aliquid sub hasta venditur, aliquid promittere, & dare ei, qui pretium auxerit: videtur enim non licere id accipi, quia eo ipso videtur emptor totum id detrahare de justo pretio rei, quod offertur. Respondet Lugo licitum esse, ad alliciendos emptores, & reduci posse Assecurationem, pro qua premium accipit obligans se vicissim ad securitatem venditionis pro justo pretio, de quo periculum erat propter penuriam emptorum. Addere possem pretium dici ejus, quod est vilissimum, *l. 9. §. 2. d. A. R. D. junct. §. si quis l. d. R. D.* imò pretium esse ejus, in quo non tam pretium, quàm dignitas attenditur, *l. 23. §. 3. ff. d. R. V. §. littera. 33. d. 1. l. d. R. D.*

XLI. Huic pretio seu premio addit Molina *d. disp. 507.* interesse aliud. Interesse potest esse, quod æquipolleat: non potest esse interesse à pretio vel premio aliud, cum pretium seu premium sit ejus, cujus interest accipere premium seu pretium. Quod autem in hoc interesse latere queat alia affectio, seu etiam privati utilitas, non movet. *l. 33. in princ. ad L. Aquil. l. 63. in princ. ad L. Falcid.* Ne quid lateat, omne exprimi debet. Ita non anxie indagandum,

gandum, an Affecuratione simpliciter factâ tantum prima navigatio, an & secunda intelligatur? quia ex pretii, præmii, ejus, quod interest, determinatione id liquebit.

XLII. Quum pretium seu præmium debeat esse munus suis conditionibus: quas duas facit Hahn. *ad d. t. d. pref. verb. num. 4.* Prima est,

XLIII. Præmium sit æquale periculo, quod suscipitur tempore contractus, juxta communem æstimationem: alioquin contractus Affecurationis esset injustus, si non præstaretur pretium arbitrio boni viri conveniens affecurationi, Santerna *d. spons. Mercat. part. 5. num. 6.* Stracca *d. Affecur. in pref. num. 45. & 48.* Lessius *d. 1. & 1. libr. 2. c. 28. tit. d. fidejuss. & affecur. dubit. 4. num. 24. vers. dico secundo.* Rebell. *d. oblig. instit. libr. 16. tit. d. contr. affecur. quest. unic. num. 3.* ubi dicit hunc contractum licitum, dummodò interveniat justum pretium juxta communem æstimationem hominum pro rei periculo accircumstantiis determinandum, Azor. *instit. moral. tom. 3. libr. 11. c. 18.* ubi dicit hunc contractum reduci ad contractum innominatum Do ut Facias, & nihilominus postulare justum pretium, quod fuerit communi hominum æstimatione, vel aliquâ lege humanâ taxatum, ut refert Franciscus Niger Cyriacus *controv. forens. 465. à num. 16.* Vide Cardinalem de Lugo *d. sect. ult. num. 94.* ubi addit, pretium non consistere in indivisibili, sed habere summum, medium, infimum, sicut in emptione venditione: & sicut variatâ circumstantiâ variatur periculum, ita variari debet pretium justum. Hæc quoad primam conditionem. Secunda est.

XLIV. Semper sit de damno sub ratione incerti, h. e. de dubio eventu apud utrumque contrahentem, seu de rebus dubiis & periculo subjectis. Si enim Affecurans sciat merces jam salvas pervenisse, licet ab aliis ignoretur: vel qui Affecurationem petit, sciat rem periisse, aut ita cum ea comparatum, ut certò sit pericula, ille præmium sibi pro Affecuratione pacisci nequit, nec hic securitatem exigere. Subsumit Molina *d. disp. 507. num. 4.* Si is, qui Affecurationem petivit, dum contractum celebravit, sciebat id, cujus Affecurationem petebat, jam periisse, contractus est nullus, neque potest accipere valorem rei, quæ periit: sed solum pretium, quod pro Affecuratione dedit, solvendo expensas omnes, si quæ factæ sunt in celebrando contractu, & insuper solvendo Affecu-

ratori, si quod damnum ei emerſit, aut lucrum ei ceſſavit ob talem contractum, quia forte ea de cauſa deſtitit ab alio contractu, in quo fuiſſet lucratus.

XLV. Haſtenùs erat Aſſecurationis definitio : Alii nunc indagarent eos, qui contractum hunc celebrant; cum quibus hic contractus celebrari nequit; verùm hæc indago celebrantium hunc contractum eſt communium interrogationum, quæ omni materiæ ſe commodant. In interrogationibus autem, cum quibus hic contractus celebrari queat, Delio natatore opus eſt. Si obſcurum eſt illud Antonii à Vacca qui Principem mundi dominum eſſe dicit reſpectu generis generaliſſimi, non reſpectu generis ſubalterni, heic totâ caligine circumvenior.

XLVI. Miſſis hiſ nos immittamus Aſſecurationis Divisionibus, quarum partem non faciat Aſſecuratio publica, quæ eſt vel rerum vel hominum. Rerum eſt apud Molinam *d. diſp. 507. num. 1.* menſa publica aſſecurantium, cui regiâ autoritate notarius eſt conſtitutus. Hominum rursùs eſt vel manentium vel aliò euntium. De manentibus agit Sotus *d. Juſt. quaſt. 7. art. 1.* & hiſ dicit Aſſecuror, Largire mihi tantum & ego ſecurum te facio, quid in hiſ nundinis, in quibus es, aut ad quas proficiſceris, tantum vel tantum lucraberis; ita ut ſi minùs lucreris, incrementum tibi ſolvam.

XLVII. De aliò euntibus agunt Juris publici Concinnatores. *Si prædones neſarii publica in via mercatorem aut quem alium viatorem ſuâ violentiâ impetnq, opprimant, & pretioſas ei merces pecuniamvè eripiant, an Princeps, Comes aut alius Dominus, in cujus territorio iſtæc depra-datio facta eſt, reſarcire damnum illud mercatori aliivè viatori teneatur nec ne?* Concludit Boceruſ *c. d. Reg. lib. 2. num. 156.* heic nullam eſſe obligationem. Vide Donellum *libr. commem. 12. c. 2. in princ.* Et licet ſtipulanti viatori promiſerit publicanuſ dominum territorii reſarturum, ſi quid publica in via prædonum impetu amiſerit, non obligatur ex eo dominuſ, ſ. *ſi quiſ alium. 3. l. d. inuſ. ſtip.* Princeps tamen credat, quod apud Lampridium credidit Alexander Severuſ, ſe fuiſſe officio functum, quòd fures perſequeretur. Addit Septimiuſ, qui vitam ejus non mediocriter exequutus eſt, tanti ſtomachi fuiſſe Alexandrum in eoſ Judiceſ, qui furtorum famâ laboraſſent, etiamſi damnati non eſſent, ut ſi eoſ caſu aliquo videret, com-

ret, commotione animi choleram evomerit, toto vultu inat-
 descende, ita ut nihil posset loqui. Comes credat, quod apud
 Marq. Freherum credidit Fridericus Palatinus I. cujus hæc claus
 inter alia tumulo inscripta legitur, FVL MEN PRÆDONVM.
 Raptores & prædones imprimis exterminavit, eorumque arces
 solo æquavit, terrarum itinera viatoribus tutissima fecit. Æmu-
 lentur territoriorum Domini Henricum VIII. Anglorum Regem,
 de quo *lib. 6. epist. 12.* Erasmus *latrocinia, à quibus nihil hæcenus usquam*
tutum erat in Anglia, mirâ severitate compefcis, nocentes prostigas, ocfosis er-
roribus ditionem liberas. Sanè si heic aliqua esset obligatio, cui usui
 esset illa securitas, quæ præstatur citato ad certum locum pro aver-
 sione periculi vel offensionis, quæ metuitur à persona Judicis aut
 adversarii, de qua Colerus *d. process. execut. part. 4. c. 1. num. 203.*
 Carpz. *in pract. crimin. part. 3. quest. 112.* Regerere quis posset ma-
 jorem hoc casu esse obligationem. Resp. non tamen esse omni-
 modam, quæ omnem securitatis rogationem superfluum putet.
 Hinc Mævius ad jus Lubecense *libr. 1. tit. 1. art. 11. à num. 39.* etsi
 ipsius iudicii, quod sanctum esse debet, autoritate cuiuslibet securi-
 tas constituta, *Novell. 17. §. patrocinia. c. 1. d. pac. tenend.* & ipsa cita-
 tio tacitam securitatem secum ferre videatur, juxta vulgatum, *die*
Vortadung bringe das Gleite mit sich auff dem rucken. Wesenb.
consil. 35. num. 11. Zanger *d. Except. part. 2. c. 5. num. 8.* ideoque forte
 videri queat hic ut supervacuum frustra precibus postulari, *l. unic.*
C. d. thes. melius negligi, l. hac stipulatio. 14. §. Divus. ff. ut leg. nom. cav.
 quia tamen creditur est, quò plus periculi subest, eò majori cau-
 telâ opus esse, *l. 1. §. 5. d. Carbon. edict.* nec abundantem cautelam
 nocere, *l. testamentum. 17. C. d. testam. usu magis quàm jure effectum,*
 ut tabulæ securitatis obtineantur, Rutger. Ruland. *d. commiss. &*
commiss. p. 2. libr. 3. c. 12.

XLVIII. Divisionum Affecurationis partem non faciat
 Affecurationis objectum, quod in immensum evagaretur, pru-
 denti tamen Affecurato observandum, ne ambiguum Affecura-
 tionis obrepat. Sic quæri potest de mercibus navi nondum illatis,
 si post Affecurationem inferantur, & naufragio seu direptione se-
 quutâ perierint, an ad eas porrigatur Affecuratio? & negatur, quia
 actus agentium non operantur ultra eorum intentionem, *l. 3. 8. 19.*
Si cert. pet. Barbosa axiom. 12. n. 7. Sic quærit Marquardus *d. c. 13.*

num. 19. An in Affecuratione mercium intelligatur pecunia , si
scil. Affecuratus inter merces reliquas aliquot faccos nummis siue
argenteis siue aureis turgidos , delitescere voluit ? insiciendum id
primo intuitu videbatur , eò quia affecuratus fortè pecunias illas
mercium loco non habuit : quod verò propterea quis non habet
ut ilicò distrahat , mercium numero non continetur , nisi ex evi-
denti voluntate aliter appareat , Ulp. in l. 73. §. 4. ff. d. leg. 3. Hinc
in jure obtinet , ut in dubio quodcunque negotium ex contrahen-
tium intentione , inprimis in foro Mercatorum , explicandum sit ,
c. 4. X. d. pignor. Bl. consil. 34. n. 2. vol. 4. Rot. Genu. decis. 63. num. 3.
At verò cum sub generali mercium appellatione comprehendan-
tur pecuniæ , tanquam ad res mobiles pertinentes , juxta l. mercu. 66.
d. V. S. Et procul dubio affecuratus detrimento , qui mercium in-
demnitatem indistinctè promiserat , earundem ablationem impu-
tasset , adstructivæ potiùs inhærendum sententiæ : quibus tamen
hanc cautelam cum P. Santern. adhibemus , nisi usus loquendi
aliam interpretationem suadeat , & nisi expressè in Pollice de
hoc conventum.

XLIX. Proximitatis nexu adhæret superiori & isthæc
disquisitio. Nonnullus simpliciter navis affecurationem , uti In-
terpp. fandi mos est , in Pollice procurat , an navis tantum , aut
mercium tantum , an verò navis simul atque mercium dispen-
dium paciscendo transtulisse in alium æstimandus sit ? distinctione
hanc rem expeditam dari posse arbitramur. Pensandum est , an
securitatis commoda quærens sit navis dominus , nullas in ea ha-
bens merces : quo casu de mercibus sensisse neutiquam videtur ,
tum quod ad illum non pertinent , nec obligatas sibi , nec ex officio
de iis paciscendi potestatem habet l. 6. C. d. reb. alien. tum quòd pro-
pria continentis denominatio minimè ambitu suo contentum conti-
neat. Tum deniq; quod in dubio ab usitata & propria verbi signifi-
catione non recedi oportet , l. 69. ff. d. leg. 3. An verò alio navis ma-
gistro mercibus suis saltem oneravit , & tunc certè ex mente & vo-
luntate stipulantis aliud nihil colligendum , quàm quòd per con-
tinens contentum , hoc est per navim merces , quæ in navi exi-
stunt , intellexerit. An denique simul & navis & mercium domi-
nus sit : atque tunc demùm corpus navis affecurare voluisse pu-
tandus. Hactenus Marquardus , cujus conclusio equidem vero
non est

non est aliena : sed in hac disquisitione non video illum navis dominum, qui non habeat merces. vid. Marquard. *d. l. n. 23.* 2. in illo navis domino non video continens, non contentum, sed vacuum navim. 3. merces non faciunt, ut ab usitata & propria verbi significatione recedat is, cui nullæ sunt merces. 4. navim securam esse non interest ejus, cujus non est navis. 5. Si quis navis simul & mercium dominus sit, non dubitandum est de asscuratione eorum, quorum est dominium. 6. qualis foret hæc Pollicis formula, si ultra formulam aliquid intelligeretur? Simplicius sic habendum, navis dispendium, & esse ipsius navis & ejus, quod est à navi, & ejus, quod in ipsa navi contingit.

L. Dividitur Asscuration in terrestrem & maritimam. Illa est, quæ super rebus, quæ terrâ, hæc super rebus, quæ mari transvehuntur, Stypmannus *d. loc. num. 271.* Non abducatur ab hac divisione, quod Asscuration maritima sit frequentior, terrestris non sit æquæ frequens. Hoc tantum in quæstionem venit, an non sit aliqua Asscuration terrestris. Si frequentius & minus frequens impedirent divisionem, cæteri pisces, qui non sunt Haleces, non venirent in divisionem. Ex una piscatura halecum, quæ ex Arctoï maris latebris (in nullo enim flumine, neque mari mediterraneo, sed solo Septentrionali Oceano reperiuntur) præcipitante jam vere velut commutatis sedibus, tantâ multitudine, ut oppositis retibus sisti nequeat eorum impetus, in æstiva contendunt palabundi, in Hollandia quotannis unum millionem, & quatuor centena ac septuaginta millia confici ajunt. Aut si alii pisces venirent in divisionem, qui sunt frequentiores, ut Argentinae sunt pisciculi, quorum mille sunt unius deglutionis, cum frequentioribus non venirent haleces: non venirent cum Nasonibus, qui in Byrsa Basiliensium capiuntur frequentissimi: non venirent illi cum aliis piscibus, qui apud Plinium *libr. N. H. 9. c. 11.* reliquis animalibus sunt fecundiores. Decidamus in eo, quod est frequentius; & non æquæ frequens. Circa idem si versentur frequentius & non æquæ frequens, frequentioris major est ratio, *l. 4. d. LL. l. 3. si pars hereditatis.* Si versentur circa diversa, ut alia est insula in flumine nata, alia nata in mari *§. 22. l. d. R. D.* habetur utriusque ratio. Accedit non æquæ frequentem esse Asscurationem terrestrem, frequentior em esse maritimam, non in relatione ad ipsam Asscurationem.

nem, quæ utrinque potest esse par & æqualis, sed in relatione ad periculum, quod in mari sæpius contingere solet. Sic etiam elidi posset hæc divisio Affecurationis in terrestrem & maritimam, quod terrestris non æquè sit necessaria, cum major & infestior sit maris sævitia. Ubi navis (ita Santerna) sive culpâ nauræ, sive vi ventorum, in Syrtes scopulosque impegerit, vel etiam fluctibus obruta fuerit, actum est de vita, nec arte corrigi hoc malum potest. Imber, fulmina, tonitrua, tempestates in terra si immi- nuant, potes aliquò te recipere & continere, quoad illa præter- ierint. Apud Athenæum *lib. 8.* Anarcharis interrogatus, quæ tu- tiora essent navigia, rotunda an longa? respondit, quæ in ter- ram deducta essent. Potuisset Santerna hoc Athenæi addere: for- san & Vibones, Britannicæ herbæ flores, qui devorati ante toni- trua à fulminibus securos reddere existimantur, *Plin. libr. 25. c. 3.* Non quæritur, an Affecuratio terrestris æquè sit necessaria, sed annon sit eadem cum maritima & communem habeat effectum: licet æquè necessariam dixisset Mucianus, quem in Dionis com- pendio legimus habuisse semper in ore pecuniam nervum esse Principatus. Dicerent æquè necessariam, qui terrestres tempe- states horrent, qui que ipsi securitati diffidunt: imò securitatis sponforibus credere nolunt.

L I. Utraque Affecuratio est vel totalis vel partialis. So- lent, qui magnam mercium copiam asportant, non eam totam affecurare, sed partem, ne multum pretii solvant, & ne, si merces omnes pereant, nihil omnino ipsis remaneat, sed saltem maneat valor partis affecuratæ: ut si asportant merces valoris sex mille aureorum, affecurant solum valorem duo mille aureorum. In hoc autem eventu si designetur, quæ pars in singulari affecuratur, tunc si illa pereat aut pars illius, solvendum est solum, quod ex illa perit: nihil verò, si partes aliæ non affecuratæ pereant, & tota illa pars designata salva mansit. Si verò nihil in particulari designetur, sed solum ex illis mercibus affecurentur duo mille aurei: si verò pereat dimidium omnium illarum mercium, quæ æstimatæ fuerunt sex mille aureis, solvuntur solum mille aurei, & ita proportionem eadem de reliquis mercibus quæ perierint, Molina *d. disp. 507. n. 9.* Vide Cardinalem de Lugo *d. sect. ult. n. ult.*

L II. Totalis sit vel partialis est vel pura vel conditiona-
lis, Hu-

lis. Hujus divisionis vestigium non petitur è l. 4. §. d. *navit. fen.*
l. 3. C. *ced.* In l. 4. idem est non esse periculum, & periculum de-
fuisse. In l. §. proponitur conditio pœnalis non existens. In l. 3.
conditio est privatæ conventionis. Huic divisioni non adversa-
tur, quòd idem sit purum & conditionale. §. *pen. l. d. V. O. l. 1. d.*
L. Commiss. Resp. in d. §. *pen.* non est conditio propriè sic dicta,
quæ est suspensio juris constitutio, l. *pen. d. suis & legit.* sed est con-
ditio ad præsens vel præteritum tempus relata, quæ aut statim
infirmat obligationem, aut omnino non differt. *Quæ enim per rerum*
naturam sunt certa, non morantur obligationem, licet apud nos incerta sint.
In d. l. 1. non idem est purum & conditionale, sed idem est pu-
rum; & quod sub conditione resolvitur. Huic divisioni non ad-
versatur l. 2. in princ. d. in diem addit. ubi quoties fundus in diem
addicitur utrum pura sit emptio, sed sub conditione resolvatur;
an verò conditionalis magis sit emptio, ejusdè quæstionis est. R. à
quæstione transeundū ad responsum, quā videtur veriùs inter-
esse, quid actum sit: nam siquidem hoc actum est, ut *meliore allatâ*
conditione discedatur, erit pura emptio, quæ sub conditione resolvit-
ur: sin autem hoc actum est, ut *perficiatur emptio, nisi melior conditio*
offeratur, erit emptio conditionalis. Ufus differentiæ inter em-
ptionem puram & conditionalem est in d. l. 2. in §. nam si pura
est venditio, is, cui res in diem addicta est, & usufruere potest, &
fructus & accessiones lucrari, & periculum ad eum pertinet, si
res interierit. Huic divisioni non adversatur Santerna d. *Asscur.*
part. 3. num. 42. cui omnis Asscuratio est conditionalis, idque res-
pectu habito ad periculi vel casus eventum, quo non contingen-
te si nihilominus Asscurator id, quòd in casum periculi conven-
tum erat, præstet, veriùs donatio quàm asscuratio dici meretur.
R. 1. omnem asscurationem esse conditionalem non in se, sed
certo respectu. 2. periculi vel casus eventus non facit asscura-
tionem, sed asscurationis præstationem. Vid. *supra th. 35.* in qua
sic infertur affirmando, conventio de pretio facit asscurationem,
pretii numeratio, quæ non peræque desideratur, facit asscura-
tionis præstationem. 3. Conditio, quæ inest, ut in asscuratio-
ne pura, non facit actum conditionalem, sed conditio, quæ reci-
pitur. Omni tutoris dationi inest conditio, quæ discernit tuto-
rem suspectum à non suspecto, sed non omnis tutor datur sub
conditio-

conditione, §. 3. *l. qui testam. tut. dar. poss.* illius tutoris datio est pura, hujus datio est conditionalis. 4. Si utraque conditio faceret actum conditionalem, nunquam intueremur initium, contra *l. 8. in princ. mand.* 5. asscuratio posset degenerare in donationem, eo, quod degenerat, non est donatio. In *l. 22. d. leg. 2.* legati pars degenerare potest in donationem inter vivos, eo, quod degenerat, non est donatio inter vivos.

LIII. Qualiscunque autem sit Asscuratio, illa æstimatur secundum suam formam, sive sit ipsius Asscurationis, sive Asscurationi accedat.

LIV. Forma ipsius Asscurationis consistit in ipso contractu, & in pactis, quæ contractui Asscurationis insunt : sive insint in continenti, & tunc formant actionem, *l. 7. §. 5. d. pact.* sive insint ex intervallo, & pariunt exceptionem, Strypmannus *d. jur. marit. d. 6. 7. num. 384.*

LV. Hic contractus & hæc pacta sint talia, ut tamen non recipienda non recipiant. In *l. 40. in princ. d. pact.* est pactum generale: non tamen valet pactum, quod turpem causam continet, *l. 27. §. 4. eod.*

LVI. Turpis causa est vel Universalis vel Localis. In universalem veniunt Præbendæ, Dignitates, Munera, quorum non est nundinatio. Bod. *de rep. libr. 5. c. 3. libr. 6. c. 2.* Vide Carolum Molinæum *d. divid. & indiv. fol. 509. num. 578.* ubi de ejusmodi nundinatione officiorum, & inexpertis emptitiis Judicibus inter cætera scribit, Huic quaestuarie venalitati turpiter prostiuitas jacere dignitates ipsas judiciales, etiam plebecula despicabiles : nullum enim tam vilem cerdonem vel coquum esse, qui non speret se filium vè suum etiam Senatorem vel Præsidentem Parlamenti fieri posse, aut Abbatem vel Episcopum, si pecunias undecunque corrosas numerare possit. Vide Petrum Gregor. *in Synt. jur. univer. libr. 25. c. 11. n. 7. libr. 36. c. 29. num. 10. libr. d. Rep. 9. c. 1. num. 35.* juxta quem nihil pejus potest accidere reip. eâ negotiatione : pro uno enim aureo, quo officarii redimunt officia, & jurisdictionis potestatem à Principe, infinitus revendendi carius justitiam subditis occasiones architectantur, ut etiam impudenter audeant in subditos grassari, palamque supra sportulas debitas petere, quod jam Principi pro mercatura officiorum dicunt se præbuisse. Aded venales isti urbium Senatores pro pastoribus agunt prædones, pro

nes, pro custodibus lupos, quos dominus abigat à grege suo. Adversatur huic turpi causæ Universalis venditio officiorum adhuc in Gallia usitata, quæ sub Ludovico XII. Galliarum Rege magnū incrementum accepit. R. manet turpis causā universalis, quam factum Potentioris limitare non potest. R. z. Hottomannus, naturæ ductu quodam hoc esse consequens, ut tam prodigioso mercimonio probis antelati nequissimi, prudentibus imprudentissimi, doctis indoctissimi ex justitia ipsa rem faciant promercalem: cū quæ emeris, vendere juris gentium sit. Sicut lanii optimum bovem uno pretio emptum in macello per partes venditant; ita magistratus uno comparatur pretio, & ejus administratio postea singulis jus postulantibus tot pretiis, sine ullo conscientiae scrupulo, divenditur. Prolixius quid de hac arte injustitiæ institoria sentiendum sit, recitat Thuanus *libr. 132. ad annum 1604.* Ut excludatur omnis nundinatio, magistratum voveo prudentem, & modum creandi integerimum. Non aperto facinore suæ vel amicorum cupiditati serviat, suā pulcritudine justitiam revereatur. Mihi voveo fortem Scipionis minoris. Chartagine Romaq; jam in sœdus compositis, Regi Numidarum, Masinissæ, qui & ipse Romanorum amicitiam colebat, cum Pœnis dissidium fuit. Jam in castris utrinque exercitus erant, dictus etiam certamini dies, cū Scipio minor, forte ad aliā negotia in Africam missus, pervenit ad castra Masinissæ, tantique prælii spectaculum cepit. Tuta illi res, quocunque fortuna se inclinasset, Romani nominis majestātē. Successit ergo in tumultum, viditque certantes, & impune licuit tot mortalium periculis frui. Et visa res tam ambiciosæ voluptatis, ut negaret hanc ante se contigisse, nisi Jovi ab Ida, Neptunoque è Samothracia extra aleam Græcorum & Trojanorum bella cernentibus. Liceat mihi non illorum, qui honorum emptionem non dissimulant, sed meliorum animis jucundissima familiaritate misceri, aut horum in variis litibus sensus saltem, neque ineloquentem eruditionem percipere, ac de ipsis judicantibus ferre sententiam. Aut, si gratum est in tumultu fori esse, ipse discursantium fremitus vultusque diversi, hi exanimati metu, spe alii exultantes ita oculos abripiant, ut utilissimam humanæ dementiæ scenam intueri existimer. Adversatur huic turpi causæ universalis etiam honorum &

officiorum emptores esse laudatæ dignitatis, quâ nocentes accusare, & adesse sordidatis iis sit magnificum. R. hoc credendum in iis locis, in quibus non sola merita, sed nummi promovent; tunc contingit eos, qui sunt laudatæ dignitatis & aliter non pervenirent, honores & officia emere. Quando autem sola merita promovent, non movent nummorum insidiæ, quibus nil tale merentes ad honores & officia grassantur, seque putant cæteris excellentiores. Commodum heic est illud Ant. Matthæi ex oras. in *Curionem*. Quis furi nisi fur gratulatur? Quis mœchum amat nisi mœchus? crudelem quis non odit, nisi ipse crudelis? Plus Siculis damni Verres dederat, quàm centum fugitivorum cohortes, libidinis autem & crudelitatis vestigia tot & tanta reliquerat, ut non pœnâs inde, sed præmium aliquod expectasse videretur. Utinam hi emptores illigarentur fugitivorum cohortibus, & non in libidinis ac crudelitatis vestigiis præmium expectarent. Vide Polyd. Virgilium *libr. Hist. Anglic. 8.* ubi de Eduardo III. quem viderit auro insidentem, Klocken d. *Contrib. c. 1. num. 145.* Occinamus iis, qui tantum pecuniosos promovent, hæc Catulliana,

Bella es, novimus, & puella verum est:

Et dives; quis enim potest negare?

Sed dum tu nimium Fabulla spernis

Civi's sapientia magistros,

Nec dives, neque bella, nec puella es.

LVII. In localem turpem causam veniunt illæ res, quæ non sunt privatorum, ut in *l. 1. C. quæ res ven. non poss.* furandæ atque distrahendæ purpuræ, vel in serico vel in lana, quæ blatta vel onyblatta atque hyacinthina dicitur, facultatem nullus possit habere privatus. Veniunt & illæ res, quæ certo ordini prohibentur. Senatoribus navem ex *L. Julia repetundarum* habere non licuit, *l. 3. in fin. ff. de vacat. & excus. mun.* Apud Livium 21. est *L. lata à Quinto Claudio, Tribuno Pl.* ne Senator navem haberet trecentis amphoris majorem. Vide *Gjurbam ad L. unic. C. ut nemini lic. in empt. spec. se excus. libr. 10. num. ult.* Veniunt & illæ res, quæ exportari non debent, ut sunt vinum, oleum, liquamen, loricae, scuta, arcus, sagittæ, spathæ, gladii, tela, ferrum, vel factum jam vel adhuc infectum, *l. 1. C. quæ res export. non deb. l. 2. C. de commerc.*

& merc.

& merc. Exportantur & hæ, quæ Barbaris cujusque gentis ad Romam, urbem Sacratissimam, sub legationis specie, vel sub quocunque alio colore venientibus venundantur, *l. ult. C. d. t. quæ res exp. non deb.* Cum his non pugnat *th. 4^o*, in qua quaeritur, An in affecuratione mercium intelligatur pecunia, quia hic proponitur localis turpis causa, quæ vult non ubique pecuniam exportari prohibitam. 2. non omnis pecuniæ exportationem prohiberi: quod novisse debet Erasmus, de quo ad Carolum V. Imp. Beatus Rhenanus; In Anglia cum aliquamdiu mansisset, in reditu apud Dovariense litus à telone fortunis propemodum omnibus exutus est, ac nondum navem ingressus naufragium fecit, quod complusculos aureolos ultra præscriptum numerum & sine regio diplomate efferre tentasset.

LVIII. Quod est localis turpis causæ, potest extendi ad universalem, ut est locarium Nautarum, de quo prius egerit Amsterodamum aut alius Princeps, ratio turpis causæ est universalis, siue sit necessitatis siue consilii. Est necessitatis, quæ apud Stypmannum *d. l. num. 280. 291.* quâ, quod non integrum debetur, antequam finis negotiationi imponitur, in taxationem non venit. Est consilii, quod acuit diligentiam ejus, cui locarium debetur, si sciat locarium esse periculo exemptum.

LIX. Forma ejus, quod Affecurationi accedit, est Pollex siue Instrumentum. Hoc in se contineat 1. nomen Affecuratoris. 2. nomen Nautæ. 3. nomen Navis. 4. nomen loci, ubi navis oneratur. 5. nomen loci, quod navis tendit. 6. designationem mercium. 7. nomina eorum, ad quos merces pertinet. 8. tempus. 9. liberum navis cursum. 10. susceptionem periculi. 11. confessionem pretii.

LX. I. *Nomen Affecuratoris*, quod refertur vel ad numerum, vel ad nominati originem, vel ad adscrititium nominis colorem. Ad numerum, quo est vel unus vel plures sunt Affecutores, dantur quippe & collegia Affecutorum, qui, ne unius sit damnum, commune damnum resarciunt. Ad nominati originem, qua Affecurator domicilium suum consignat. Ad adscrititium nominis colorem, qui apud Stypmannum *d. l. num. 390.* Judæi Affecurationibus inferitur, quod solet fieri propter deprædationes, quibus ejus bona obnoxia sunt.

LXI. II. *Nomen Nautæ*, quem non opponimus magistro ut in *l. 1. §. 2. d. Exerc. act.* sed ponimus esse ipsum magistrum, cuius est totius navis cura. Santerna *part. 3. num. 48.* Potest tamen in nomine nautæ intervenire error, qui in persona non intervenit, *S. si quidem. 29. l. d. leg.*

LXII. III. *Nomen navis*, nam Babylonii sua navigia fecere orbiculata & coriacea: Armenii ex cæsis salicibus: Ægyptii ex spino. Indi alveis ex singulis arboribus cavatis navigant. Romani veteres in eo discreparunt: alias enim naves fecerunt breves angustâ puppi proraque, & lato utero, quò facilius fluctus tolerarent: quasdam planas carinis, ut sine noxa sederent: plures oppositis utrinque gubernaculis conversas, ut repente remigio hinc vel illinc adpellerent: multas pontibus stratas, super quas tormenta veherentur, simul aptas ferendis equis, aut commeatui, velis habiles, citas remis. Gronlandiæ cultores scorteis & vitilibus navigiis utuntur tutis à quassatione maris & scopulorum. Lappones & Finnones navigia habent nullis clavis, sed nervis & viminibus compaginata. Alii alios excogitarunt structionum modos. Vide Herodotum in *Cl. & Euterp.* Bentzium in *hystor. nov. orb.* Tacitum *libr. annal. 2.* Vegetium *libr. d. re milit. 5. c. 12.* Polybium *1. hist. 21.* Alexandrum ab Alex. *libr. genial. diæ. 4. c. 2.* Plinium *libr. 16. c. 40.* Cæsarem *1. & 3. d. bell. civil.* Lucanum *Pharsalic. 4.* De navigiis fistilibus, papyraceis, vitreis, quæ magis sunt ingenii, quàm idonei usus, sileamus. Sileamus & hic, an sub nomine navis ejus latera, prora, puppis, carina, gubernaculum, malus, anchora, vela, antenna, rudentes, epitonis, anquina, remulcus, sentina, scalmus, transra, phalanges intelligantur. De his enim loqui, non magis prodeisset, quàm si loqueremur de vendita domo, an instructa eâ contineantur? Vide Carpoz *part. 2. consl. 33. def. 20.* Non magis prodeisset, quàm si loqueremur de eo, qui deberet omnes servos suos, & vellet non debere atriensem, quòd atrium omni ex parte mundum & nitidum ut sit, curet: hæc cura dicit servum esse atriensem, non tamen servi atriensis tollit debitum. Aut si exciperet servum pileatum, qui pileo tectus demonstrabat se venundari: aut si exciperet jure belli captivum, qui sub corona venibat. Vendi non potest alteri debitum. Sileremus & hoc an nomine navis scapha comprehendatur? aliqui negant, nos affirmamus. Negantes non

res non juvat, *l. 4. d. Eviction*, in qua hoc tantum habetur scapham non esse membrum navis. Non juvat *l. fin. d. instr. vel instrum. legat.* in qua hoc tantum habetur scapham non esse instrumentum navis. Non juvat *l. 3. §. 1. de R. V.* ubi non agitur de assecuratione navis; sed de rei vindicatione, in quam, cum sit stricti juris, scapha separatim venit. Quid negantes responderent ad *l. 4. in princ. d. L. Rhod. d. jact.* ubi navis onusta juvanda causâ (quia intrare flumen vel portum non potuerat cum onere) si quadam merces in scapham trajecta sunt, ne aut extra flumen periclitetur, aut in ipso ostio vel porta, eaq; scapha submersa est, ratio haberi debet inter eos, qui in mare merces salvas habent, cum his, quæ in scapha perdidit: quia nomine navis scapha comprehenditur. Quid responderent ad *l. 1. §. 6. d. exerc. act.* ubi navem accipere debemus, si schedia sit: si schedia, quam ob rem non, si sit scapha. Schedia Festo est genus navigii inconditum, trabibus inter se tantum nexis factum. Respondeant, si quadrat,

Quid tibi cum parva navita Typhi mea.

Vide Santernam. p. 3. num. 37. 38.

LXIII. IV. *Nomen loci, ubi navis oneratur.* Huic non repugnat *l. 43. d. jud.* ubi adjectio loci est supervacua. R. non cum iis, qui includunt locum domicilii: non cum iis, qui locum intelligunt non naturaliter, sed civiliter de quocunque loco legitimo & idoneo, in quo aliàs reus sine adjectione loci conveniri potuisset; sed in *l. 43.* proponitur facultas concessa ei, qui, quem suo loco non potest, quocunq; loco convenit. In *l. 16. §. 1. d. pec. const.* etiam si certo loco & tempore quis constituat, non solum eò loci perit, ubi ei constitutum est, sed ubique potest.

LXIV. V. *Nomen loci, quod navis tendit.* Navarchus enim non mutat destinatum iter absque necessitate lucri sui causâ, sed adpellit portum, de quo convenit. Tunc manet verum illud Anacharsis, de quo in *th. 51.* securissima est navis, quæ in portum venit. Interpretamur hoc contra Loccenium *l. br. d. jur. maris. 2. c. 5. num. 9.* securior est navis eâ navi, quæ nondum in portum venit. Non tamen inficias imus, in ipso ostio vel portu periclitari navem, *d. l. 4. in princ.* Quid si non artendi queat nomen loci, ubi navis oneratur: non nomen loci, quod navis tendit; sed navis cum mercibus in exteris locis arresto detineatur? Respondet Loccenius *d. l. n. 17.*

LXV. VI. *Designationem mercium.* Cui non est contra-

rium, quodd obligatio Affecuratoris fit generalis, quia potest esse obligatio generalis secundum quid in relatione ad pericula, quorum susceptio est generalis: non in relatione ad merces, quæ specie suâ designantur.

LXVI. VII. *Nomina eorum, ad quos merces pertinet.* Pertinere non solum id dicitur, quod ad aliquem jure dominii pertinet, sed aliquali interesse. Hinc affecuratio super mercibus ad me pertinentibus ad merces promissas trahitur. Sicut etiam valet super pecuniis à magistro navis debitis, & ab ipso promissis solvi aliis sub periculo suæ navis in civitate Venetiarum. Vide Stracham *concl.* 10. n. 15. Santernam *part.* 3. n. 58. Strypmannum *d. c.* à n. 399.

LXVII. VIII. *Tempus, ex quo Affecuratio incipere debet,* & in quò finire, ita ut initium habeat à tempore mercium in navalia translatarum, ut imponantur navi, & durabit usque dum merces in destinato portu salvæ sint exoneratæ. Exoneratio verò non ultra quindecim diès differetur, exceptis necessariis obstaculis, quæ probanda, *art.* 13. *affecur. Antverp.* Loccen. *d. num.* 9. Quemadmodum si obligationi certum tempus sit constitutum, si post tempus agatur, exceptio obstat, vide Harpprechtum ad *prim.* I. *d. locat. cond.* à num. 22.

LXVIII. IX. *Liberum navis cursum,* in quo non est effrænislibido, sed actus, qui jure maritimo non vetatur. Non est securitas, quæ non mutatur, quantumvis inhorreat mare, nubesque undique adductæ obruant tenebris diem. Aspiciunt tenebras, ut rusticum, qui ex interula promittit caseum. Imò cum inhorruit mare, major est securitas. Negant cum Plinio *libr.* 9. *epist.* 26. parem gubernatoris esse virtutem, cum placido & cum turbato mari vehitur. Tunc admirante nullo illaudatus & inglorius subit portum: at cum stridunt fines, curvatur arbor; gubernacula gemunt, tunc ille clarus & Diis maris proximus. Non est animositas, quâ Zaumarus, Pori regis legatus, ad Augustum, Athenis hybernanrem veniens; quum sacris quibusdam sese iniitasset ac Diis devovisset, victima simul & sacerdos unctus, nudus, ridens iniit rogam. Non tam erat animositas, quàm fingeat animositatem Stoicus ille, quem Cynicum contumeliæ causâ Lucianus appellat, qui ingentissimâ pyram constructâ, postulato thure illud in ignem sparsit, & obversis ad meridiem oculis, O materni atque paterni dæmones, suscipite me propitii, in ignem

in ignem insiluit. Quos paternos, quos maternos dæmones hunc suscepisse putamus? an vulturem illum, quem vult anilis fabula rectâ in cælum ivisse, è rogo subvolantem, & magnâ voce humanâ clamantem, reliqui terram, in *Olympum commigro*. Animofitas erat in Arria, quæ apud Martialem *libr. 1. epigr. 13.* Pæto suo tradidit gladium,

Quem de visceribus traxerat ipsa suis.

Nil indulget illicitum illa clausula, ad dextram vel sinistram, quia dextra & sinistra à proposito non abducit, cùm dextram & sinistram euntium idem locûs capiat, ut benè suo ævo arbitrabatur Carolus V. Imper. apud Limn. *d. jur. publ. libr. 4. c. 9. num. 102. in fin.* sed indulget seu permittit navatæ commoditatem, secundum quam cursum dirigit, vel propter causas littora legendo, vel portum intrando, Stypmannus *d. loc. num. 413.* Potest etiam liber navis cursus opponi violentiæ seu coactioni. In *cap. requisivit. 17. X. d. Sponsal.* libera sunt matrimonia, quæ se habent juxta *c. cum locum. 14. X. cod.* & in quibus coactio non intercedit. Si liber navis cursus referri queat ad liberum hominem, refertur ad illa omnia, quorum communione servos interdicimus. Huic explicationi liberi navis cursus obloquitur liber usus maris, in cujus accessiorem navis venit. R. veniat in accessionem, non est ejusdem pars, alioqui ut mare est immobile, ita navis esset immobilis contra *l. 1. §. 7. d. vi & vi arm. 2.* liberum maris usum Æmilius *orat. 7.* describit: De libero usu maris non novos Interpretes Seldenos consulimus, sed veterem hujus juris magistrum, ipsam Naturam, quæ mare, cælum & aëra ex æquo fruenda dedit omnibus. Quæ non scripta sed nata lex est, ad quam non docti sed facti sumus; quam non disputando aut vitilitigando asserit Batavus, sed pugnando fortiter; jamdudum edoctus non forensibus cavillis, sed manu: non litigiosis argutiis, sed novali ferro aperiri maria, adversus regnantium impotentiam, qui, nisi obstitimus, non Oceani modò, sed aëris, credo, & cœli denique claustra sibi vindicabunt. Vide disputationem Magnif. Dn. Præsidis, Præceptoris devenerandi

datarii esset mandatum. Labitur Donellus *libr. comment. d. jur. ci- vil. 13. c. 10.* cui qui Mandatum contractum, aut officium gratis susceptum definiunt, faciunt admodum inconsideratè, ne dicam imperitè. Mandatum enim, ut apparet, est solius mandantis factum, quod profectò per se solùm obligationem non parit, eoquæ nec contractum continet. Potest enim quis quid alicui mandare, quod ille non suscipiat, ac remoto duorum in idem consensu non est contractus, *l. 1. §. 1. ff. d. pact.* Multò minùs mandatum dixerimus esse officium susceptum, quia potest mandatum intervenire: deinde quia etiam si susceptum sit, tamen mandatum est in mandante, officium in eo, qui operam præbet: quæ duo subiectis distincta nunquam eidem personæ attribui possunt. R. Hilliger ad *d. loc.* Addimus, hanc Donelli innovationem menti Justinianæ non esse congruam. 2. mandatum non magis est solius mandantis factum, quàm commodatum est solius commodarii factum, & frustra quæritur, an solius mandantis factum obligationem pariat, aut contractum contineat. 3. & hoc frustra quæritur, an quis possit quid alicui mandare, quòd ille non suscipiat, quia tantum de mandato suscepto quæritur, an sit contractus? 4. nihil absurdi subest in mandatario mandatum esse officium susceptum. 5. mandatum & opera non sunt duo subiectus distincta, sed opera est ejus, qui, ut mandato obtemperet, officio mandatarii fungitur.

LXX. XI. *Confessionem pretii super ejusdem quantitate & numeratione: quæ quantitas est præsens, numeratio futura.*

LXXI. Confessio pretii non est nuda assertio, ut in actione confessoria. Vide Schneid. ad *§. 2. l. d. Act. num. 8.* Oldend. *class. 3. act. 5. in princ.* Wesenbec. *in parat. num. 2. si ususfr. pet.* non est assertio limitata, ut in literarum obligatione, quæ exceptione non numeratæ pecuniæ biennali eliditur, *ut. l. d. luer. oblig. l. 14. in princ. C. d. non numer. pecun.* sed est confessio plena obligati ad pretii, quantitate sua terminati, numerationem: sive illa numeratio fiat ab ipso confitente, sive ab alio, cui eam commisit. Peculiare hoc habet mutuum, quod propter naturalem numerationis præstationem per alium fieri potest, *l. 9. §. 8. d. reb. cred.* & ita omnis numeratio per alium fit, *§. 4. l. d. mut. stip.* licet per alium non fiat obligatio, *l. 11. d. O. & A.* Hunc alium Srypman, *d. c. num. 4. 15.* vocat proxenæ,

proxenetam, qui latinis est interpres seu pararius, Briffonius in
voc. *proxeneta*. Sed properandum ad finem, ne lector interpellet,

jam gravis es nobis.

aut ne dicat, non equidem decere celeritatem, quæ est ipsius nautæ,
qui tantâ est artium velocitate, ut per funes nauticos enixus, simul
propè in imo navis ac supremo mali spatio versetur, Heinſ. *orat. 1.*
decere tamen celeritatem: præsertim si vox rauca & intricata, qua-
lis erat Claudii, quem cum ira accendebat, etiam magis ridicu-
lum efficiebat, & ut minùs intelligi posset.

LXXII. Alia adhuc moneri possent, quæ non sunt ipsius
instrumenti, verùm instrumento tantùm accedunt, & de iis dubi-
tandi ideò non justa est ratio, ut non dubitamus circa subscrip-
tionem Asscuratoris: circa stylum & observantiam, secundùm
quam Asscuratio fit: in qua asscuratione si aliquid fuerit omis-
sum, id omne ex stylo & observantia petatur. Non dubitamus circa
efficaciam, quæ in instrumento hoc guarentigato paratam ha-
bet executionem, vel propter publicam auctoritatem, quâ instru-
mentum hoc nititur, vel propter publicæ auctoritatis rationem,
ne mercatores probationum difficultatibus se involvant, & qui
securi erant stando, caducis circumventionibus dejiciantur. Abo-
minemur rei domesticæ cladibus, temporum calamitatibus amif-
sis patrimoniis accedere effugia, quibus qui debet, eludere non
verecundatur. Hoc esset id, quod ritè & secundùm leges ab initio
actum est, ex alio eventu resuscitare, contra l. 25. C. de admin. tut.
Et verò si asscuratis post asscurationem non esset asscuratione,
maxima cum cura id solum agerent, quòd fatuus ille, quem refe-
runt invenisse cribrum, & observatis innumeris foraminibus sibi
illud reparandum censuisse: Inde auspicatum: malis avibus, sini-
stro judicio opus susceptum esse. Fatigatum tandem, nec finem
laboris in minutulis foraminibus obstruendis invenientem abje-
cisse cribrum, his verbis: neque quâ obturem, neque quâ patulum
relinquam. videre nostrum. Zennerus in *discurs. Juridic. præloc.* Mer-

*Et pœna mutare genus, Porſena reducat
 Tarquinius · renovet ſerales Allia cades.
 Me potiùs ſavi manibus proſternite Pyrrhi.
 Me Senonum furi ·, Brenni me reddite flammis,
 Cuncta fame leviora.*

Moneri poſſet & hoc ejuſdem poſſe eſſe finem & formam, vel è forma finem ſubſumi. E forma feudi, quæ eſt fides, feudi finis, qui etiam eſt fides, ſubſumitur. Aut malè Ludvvel. in *Synopſ. jur. Feud. c. 2.* definiret Feudum uſumfructum quendam rei immobiliſ, ex benevolentia domini, ſub conditione fidei & obſequii conceſſum. Vel diſtinguitur inter feudum conſtituendum & conſtitutum. Fides eſt feudi conſtituendi finis, conſtituti forma,

LXXIII. Effectus Aſſecurationis alius eſt intermedius, quem facit obligatio, de qua in *th. 71.* vel ultimus, qui conſiſtit in actione, quâ, ut in *l. ult. in princ. C. d. jur. dot.* mulier ſuæ triſtitia per actionem dotis proprium habet ſolatium : ita & Aſſecuratus in actione ſolatium venatur.

LXXIV. Nihil impedit hanc actionem vocare Aſſecuratoriâ, vel, ſi latinum vocabulum mavelimus, actionem averſi periculi, nomine ei ex duobus vocabulis conciliato, Scrypmannus *d. c. num. 464.* Hanc actionem, ſi tempore Juſtiniano innotuiſſet, potuiſſet vocari Aſſecurationem non diſſentire illi Commentatores, qui nomine emphyteuſeos propriam concedunt actionem, cùm contractus emphyteuticus ſua indole & naturâ, abſque ulla nova lege, obligationem & actionem producat. Vide Harpprechtum ad *ſ. adeo. 3. l. d. locat. cond. à num. 576.* Magn. Dn. Præſidis, colendi Fautoris, diſputationem *d. Emphyteuſ. th. 10. lit. c. Valer. Andream in add. ad Zæſium d. tit. d. loc. cond num. 12. in fin.* cui diſputatio hujus rei eſt ſupervacua, cùm nomen actionis exprimi in libello neceſſe non ſit, ſed factum narrari ſufficiat, ex qua juſta agendi cauſa intelligatur, *c. dilecti. X. d. judic.* Sed remittit tantum Pontifex in *diſt. cap. ſubtilitatem. 2.* remiſſio in certis perſonis non omnem perſonam liberat. Obſtat quod in *th. 18.* aſſecuratio vocetur contractus innominatus, è quo actio deſcendens eſt præſcriptis verbis. Reſp. è ratione ibi ſubjecta, magis accedere ad naturam contractus innominati, 2. ut in actione præſcriptis verbis alia

bis alia est de æstimatione, alia de permutatione; ita potest dici hæc actio affecluratoria, actio præscriptis verbis, quæ est de affeclurato. Atqui §. 28. *l. d. action.* 3. actio affecluratoria non desumatur ex eo jure, cui affecluratio erat ignota. 4. etiam si desumeretur ex eo jure, cui affecluratio erat ignota, ignotum illud est alterius nature. Colligitur ex Struven. *exerc. 25. th. 48.* ubi quid si præmium initio non sit datum, casus verò adversus contrigerit, quores interierint, an ne poterit is, qui periculum suscepit, eo quod nihil ipsi sit datum, pœnitere? Resp. Struven, non esse locum pœnitentiæ statuimus, sed teneri eum præmium promissum & jam oblatum accipere, & æstimationem rerum perditarum solvere.

LXXV. Hæc actio Affecluratoria duplex est, alia enim est Affeclurati, alia Affeclurantis.

LXXVI. Affeclurati actio à primo die signationis vel subscriptionis dicitur nata, & intra duos menses intentari debet à die notitiæ, quando Affeclurans est certior factus de damno in mercibus accepto, Stryman. *d. c. num. 470.* E quibus tria colliguntur. Primum est, non idem esse actionem esse natam & intentari debere. Secundum est duos hos menses esse utiles & continuos. Tertium est, certiorationem, quæ fiat Affecluranti, semper esse necessariam. Quoad primum actio potest dici nata, quæ nondum intentari debet. Actio pignoratitia competit, postquam pignus traditum est, licet effectus illius & operatio eo usque suspendatur, donec debitum solutum, vel alio modo creditori satisfactum sit. Non me later quidem nativitatem hujus actionis referri disertis verbis in *l. 9. §. 3. de pign. act.* ad tempus solutionis vel satisfactionis, ut planum esse videatur antea de ortu illius vel competentia frustra quæri, quæ assertio & mihi antehac imposuit, ut in illa prorsus acquieverim. Sed jamnum realcius perpensâ cum Bachovio *libr. 5. de pignor. c. 16.* contrarium statuo, illam statim eo ipso momento, quo res pignoris causâ tradita est, oriri. Et IC. in *l. 1. c. 12. verbo: nascitur aliqua ratione*

eo ipso ad illud restituendum obligari. Unde fieri nequit, quin eo ipso posita causa sufficienti sequatur effectus, qui nullus alius est, quam actio, inter quam & obligationem nullum intermedium datur, cum unum illativè ex altero veniat. Nec obstat, quod statim ex illa agi non possit, quia actionis essentia non in actu persecutionis, sed potius in jure persequendi consistit, Frantzkus ad d. tit. d. pign. act. à num. 5. Quoad secundum idem tempus potest esse utile & continuum. Vide §. qui autem. 16. l. d. excus. tutor. l. 13. §. 9. ff. eod. ubi proponuntur quinquaginta dies continui & utiles. Continui sunt, intra quos excusatio tutoris proponitur. Utiles sunt, quia hi dies continui currunt, ex quo tempore tutor cognoverit se esse tutorem datum. Vel potest dici dies esse continuos ratione initii & progressus: esse utiles ratione initii, continuos ratione progressus. Vel potest dici dierum continuorum primum posse esse utilem. Quoad tertium certiorationem semper esse necessariam, etiamsi Asscurans resciscat damnum in mercibus esse acceptum; id dispalescit è quaestione, quam Burgundius c. d. evict. 60. movet, *Utrum venditori, qui juravit se lite mota venturum ad defensionem, denuntiandum sit, si lite mota esse non ignoret?* Non attendit Burgundius, quantum plures juramento tribuant. Quod aliàs hoc juramentum non sit habiturum effectum, nisi venditorem non interpellatum ad defensionem obstringat. Quod venditor aut simpliciter juret, servaturum se contractum: aut nominatim juret venturum se ad defensionem. Quod juramentum habeat vim litis contestationis, quia hoc verum sit de juramento decisorio, non de confirmatorio ipsius contractus. Addit num. 5. meræ sunt nugæ ex Sophistarum pharetra depromptæ, quod quidam distinctionem faciant inter primordialem & accidentalem naturam: quasi verò juramentum non induat naturam accidentalem ipsius contractus.

LXXVII. Asscurationis actio persequitur pretium, præmium seu id, quod interest ex concessione ejus, quod in instrumento continetur. Si asscuratori non esset actio, & nequiret persequi id, propter quod factus est asscurator, nemo fieret asscurator, aut quis officio asscurationis damnum sibi accerferet, ac pateretur sibi per asscuratum deteriorem conditionem inferri contra l. 74. d. R. l.

LXXVIII.

LXXVIII. Sicut autem Affecuratori datur actio, ita & retentio, si affecuratus ab ipso petit valorem mercium, nec præmium exsolverit. Quod juri convenit, cui datur actio, ei multò magis detur exceptio *l. 1. §. 4. de supersc. Styrman. d. c. num. 495.* Nec iniquum hoc est: imò iniquum esset, si affecuratus præmium non exsolveret, & tamen valorem mercium petere posset, cum alterius ad alterum sit relatio: relatio est valoris ad præmium & ad omnia, quorum causâ inita est præmii pollicitatio. Non male huc trahitur axioma Taboris, quod inferit axiomatibus Barbose *libr. 16. c. 23. axiom. 6.* relatio ad omnia præcedentia est trahenda, ubi non apparet diversitatis ratio, cur ad unum magis quàm ad aliud tacitæ derogationis vel dispensationis extensio fieri debeat, Cravett. *conf. 958. num. 30. per l. 3. §. filius 2. ff. d. liber. & posth. l. talis scriptura. 30. in fin. ff. d. leg. 1. l. si tibi pure. 54. ff. d. leg. 3. l. Aurelius. 28. §. testamento. 5. ff. d. liber. leg. 1. fin. ibiq. Bartol. ff. d. reb. dub. pertinetque ad omnia præcedentia, de quibus dictum est, principaliter, non enunciativè vel incidenter: nisi relatio apertè fiat ad omnia & singula, Cravetta *c. 68. num. 11. vers. non alienum ab his.* Hæc omnia si deficerent, non deficeret, non deficere potest natura, quæ retentionem suadet: hanc naturam æquitatem vocat *l. 14. §. 1. comm. divid.* Supponit Stracha *d. mercat. 1. part. ult. princ. num. 1.* ubi in curia Mercatorum æquitatem præcipuè spectandam, & ex æquo & bono causas dirimendas esse, & de apicibus juris disputare minimè congruere nemo est profectò, qui nesciat.*

LXXIX. Præter hæc imploratur officium Judicis, quod est necessarium vel utilius. Illud omitti non potest, hoc omitti possit, est utilius. Omitti non potest, ut si vassallus à domino turbetur in possessione feudi, aut si indebita atque insolita servitia exigantur, aut si crudeliter ipse ejusvè subditi ab eo tractentur, querelam instituet contra dominum apud Superiorem, ejusque officium implorabit, ut domino mandet desistere à vexationibus & iniquis exactionibus malæque tractatione: quod multis authoritatibus præstat Barbose *libr. 1. c. 1. §. 1. & c. 2. c. 3. c. 4. c. 5. c. 6. c. 7. c. 8. c. 9. c. 10. c. 11. c. 12. c. 13. c. 14. c. 15. c. 16. c. 17. c. 18. c. 19. c. 20. c. 21. c. 22. c. 23. c. 24. c. 25. c. 26. c. 27. c. 28. c. 29. c. 30. c. 31. c. 32. c. 33. c. 34. c. 35. c. 36. c. 37. c. 38. c. 39. c. 40. c. 41. c. 42. c. 43. c. 44. c. 45. c. 46. c. 47. c. 48. c. 49. c. 50. c. 51. c. 52. c. 53. c. 54. c. 55. c. 56. c. 57. c. 58. c. 59. c. 60. c. 61. c. 62. c. 63. c. 64. c. 65. c. 66. c. 67. c. 68. c. 69. c. 70. c. 71. c. 72. c. 73. c. 74. c. 75. c. 76. c. 77. c. 78. c. 79. c. 80. c. 81. c. 82. c. 83. c. 84. c. 85. c. 86. c. 87. c. 88. c. 89. c. 90. c. 91. c. 92. c. 93. c. 94. c. 95. c. 96. c. 97. c. 98. c. 99. c. 100.*

adversus dominos querelis hoc idem dixerit, cum longè plus domino in servum licuerit, quàm seniori in Vassallum, Rittersh. *libr. part. feud. 2. c. 8. quest. 11.* Utilius est officium Judicis, ut ostenso instrumento seu pollice statim executivè procedatur. Vide *th. 7. Rutg. Ruland. d. Commis. part. 3. l. 3. c. 15. num. 1.* Non nudè asserimus executivè procedi, sed ut executivè procedatur, intervenire officium Judicis, ne quis sine Judice se vindicet contra *l. 14. C. de Judeis. t. 1. C. ne quis in sua caus. jud.* Eleganter Cassiodorus *libr. 4. variat. 10.* Legum reperta est via, & sacra reverentia, ut nihil manu, nihil proprio ageretur impulsu. Quid enim à bellica confusione pax tranquilla distabit, si per vim litigia terminentur? Et ex persona Imper. Friderici ait *libr. Legum. 8. Guntherus,*

*Judicis officio sua cuncti jura sequantur,
Contineantq. manum.*

Nudius asseruissimus, si executivus processus esset invasionis privatæ, quæ non potest esse justa, quia privata: injusta vim justam, licitam defensionem excuteret, ac concederet cuivis, quod olim erat manus militaris, apparitorum seu officialium. Nudissime assereremus, si nullo ostenso instrumento seu pollice statim exquereremur. Turius esset, si ostensum instrumentum esset aut scriptura privata, cui, quæ instrumentum publico, par efficacia tribuitur, Rutg. Ruland. *d. num. 1.* Vide Carpzovium *part. 1. consl. 17. def. 23. num. 3. 4. def. 36. n. 4. 5. 6.*

LXXX. Quæ Asscurati actionem, actionem Asscuratoris, ejusdem retentionem velint illegitimam, & nolint officium Judicis implorari posse, ea in communionem exceptionum, ante Asscurationem introductarum; veniunt.

F I N I S.

VAJ 522641